



BIBLIOTHECA  
UNIV. JAGIELL.  
CRACOVENSIS

**Kat. Kemp**  
**587130**

**Mng. St. Dr.**

1

5/36 +  
MIX 5/36



*Fris Apollinaris Rad. seu sp. Ad Prædicat.*

SANCTISSIMI IN CHRISTO PATRIS,  
AC DOMINI NOSTRI  
**BENEDICTI XIII.**  
PONT. MAX.

**CONSTITUTIO,**

*Qua Privilegia Ordini Prædicatorum à Sede hac-  
tenus Indulta confirmantur, innovantur, exten-  
duntur, declarantur, ac novis etiam concessioni-  
bus ampliantur, cum necessariis, & opportunis de-  
rogationibus.*



ROMÆ MDCCXXVII

Typis Reverendæ Cameræ Apostolicæ, Reimpres. Vlnæ 1728.

*Fris Apollinaris Radriensis Ord. Prædicator.*

IN CHRISTO PATRE  
AC DOMINI NOSTRI  
BENEDICTI XIII  
PONT. MAX.  
CONSTITUTIO

Qua Privilegio Ordini Praedicatorum in hoc  
tenus Tabulis continentur, immo etiam  
ceteris, debeat, ac non solum  
sua continentur, cum necessitate  
vegetandus.

587-130  
I



Bibl. Jag

1973 K. 19 St. Dr.

ROME MDCCLXXVII

Printed in the Royal Printing Office, London, 1777.

B E N E D I C T U S  
E P I S C O P U S  
SERVUS SERVORUM DEI  
*Ad perpetuam rei memoriam.*

§. I. **P**RETIOSUS in conspectu Domini Fra- Proœmium.



trum Prædicatorum inclytus Ordo, quem Divinus Sponsus, ad cumulandas dilectæ Sponsæ suæ Sacrosanctæ Ecclesiæ in Terris militanti Cælestes Triumphos, excitavit, & quem Nos ab inunte ætate nostra expressè professi sumus, promeretur, ut ea, quæ ob innumera, & in dies adolescentia erga Sedem Apostolicam merita, de plurium Romanorum Pontificum Prædecessorum Nostrorum, diversis sic meritis & ipsis exigentibus temporibus, gratia processerunt, in unum à Nobis redigantur, approbentur, confirmentur, & de novo, novis etiam superventis meritis, concedantur, ut ex eis omnibus sic in unum redactis, debita Privilegiorum amplitudo, & ex ea altitudo appareat meritorum, & Ordo ipse in Nobis Filii expertus obedientiam, & reverentiam, Paterni nunc quoque, Divinâ sic disponente bonitate,  
A nostri

*Motivæ  
hujus Con-  
stitutionis.*

nostri amoris affectum experiatur, & liberalitatem. Hinc Nos, qui dudum inter alia volumus, quod Literæ super Indulgentiis non expediantur *ad instar*, nisi specificentur, Ordinem Prædicatorum hujusmodi amplioribus gratiis, & favoribus prosequi volentes, ac dilectos Filios Fratrem Thomam Ripoll Magistrum, & Fratrem Angelum Gulielmum Molum Procuratorem Generales Ordinis, omnesque, & singulos illius Superiores, & Fratres, aliasque personas suo loco subjungendas, à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequen, harum serie absolventes, & absolutos fore censentes, nec non omnium, & singulorum infrascriptorum Romanorum Pontificum Prædecessorum, & Nostrarum mox referendarum Literarum, Congregationum Decretorum, inferiùs dicendorum, respectivè tenores præsentibus, perinde ac si de verbo ad verbum nihil penitus omisso inserti forent, pro expressis habentes, Motu proprio, non ad alicujus super hoc Nobis oblatae petitionis instantiam, sed ex certa scientia, merisque deliberatione, & liberalitate Nostris, deque Apostolicæ Potestatis pleni-

plenitudine, eidem Ordini omnes, & singulas successivè recensendas, ac alias quascumque gratias, exemptiones, Indulgentias, & peccatorum remissiones, nec non concessiones cujuscumque generis, conditionis, & speciei, Fratribus, & Sororibus quibuscumque prædicti Ordinis Prædicatorum, ac etiam Tertii Ordinis de Pœnitentia S. Dominici nuncupatis, de Apostolica largitate concessas tam generaliter, quàm specialiter, & in individuo, confirmamus, innovamus, & quatenus opus sit, de novo concedimus.

§. 2. Et primò quidem omnes, & singulas Indulgentias, Confraternitati Sanctissimi Nominis JESU, sive aliàs Nominis Dei, & Juramentorum (quam ab ipso Ordine Prædicatorum originem duxisse, Prædecessor Noster Sanctus Pius V. in Literis -- *Decet Romanum Pontificem*-- 21. Junii 1571. animadvertit, ejusque Auctorem antea Fratrem Didacum de Victoria Conventus Sancti Pauli Burgensis prædicti Ordinis, eundemque egregium Verbi Dei prædicatorem dixerat Pius PP. IV. in Constitutione -- *Salvatoris* -- I. Idibus Aprilis 1564. ) à prædicto Pio IV. in alia Constitutione incipien. -- *Injunctum nobis* -- eisdem die, & anno, Gregorio XIII. in Literis suis - *Aliàs per fel. rec: Pium PP. IV.* & duabus aliis incipien. -- *Aliàs fel. rec: Pius PP. IV.* 9. Julii, & 5. Septembris 1580.

I.  
Indulgentia pro Societate Nominis JESU.

& 22. Septembris 1583. cæterisque aliis Romanis Pontificibus deinde concessas; declarantes, eas omnes Indulgentias accipiendas esse ad normam Literarum Pauli V. -- *Quum certas unicuique Confraternitati*- 31. Octobris 1606. - *Pias Christi fidelium*- 28. Septembris 1612. -- *Quum sicut nuper accepimus* -- 1. Aprilis 1613. atque Venerabilis record: Innocentii XI. *Quum dudum* - 18. Aprilis an: 1678.; Declarantes insuper, ac mandantes juxta prælibatas Literas S. Pii V. Confraternitatem eandem in locis, in quibus Conventus Ordinis præfati existunt, aut quodcumque sunt extituri, in solis ejusdem Ordinis Ecclesiis existere posse, ac in eisdem dumtaxat per Fratres prædictos functiones quaslibet ad d. Confraternitatem spectantes esse peragendas, nisi aliàs speciali Indulto aliud ab Apostolica Sede fortè concessum reperitur; nec non ad normam prædictarum Pauli V. Literarum - *Quum certas* -- potestatem tales Confraternitates erigendi, & fundandi, ac Indulgentias communicandi, aliàs à S. Pio V. in memoratis Literis, Provincialibus, ac etiam Conventuum Prioribus permissam, soli Ordinis Generali Magistro, vel Vicario Generali esse privativè adjudicandam.

Ubi repe-  
 riuntur  
 Ecclesia  
 Ordinis, in  
 ipsis solis  
 hac Socie-  
 tas esse de-  
 bet.

Solum Magi-  
 stro Ordinis,  
 aut Vicario  
 Generali  
 asseritur  
 facultas e-  
 jusmodi  
 Societates  
 fundandi.

II.  
 Indulgen-  
 tia pro Con-

§. 3. Indulgentias quoque, ac gratias omnes Confraternitati Sanctissimi Corporis Christi in Ecclesia domus



domûs B. M. V. super Minervam prædicti Ordinis Prædicatorum, ex qua tanquam à prima, & principe innumeræ aliæ in totum quâ latè patet Christianum Orbem, in perpetuum tanti Sacramenti cultum, prodière, à Prædecessoribus nostris ab ejusdem origine benignè concessas, nimirum, à Paulo Papa III. in Constitutione - *Dominus noster IESVS Christus transiturus*- pridie Kal: Decembris 1539. & - *Ad providam*- Gregorio XIII. - *Pastoris æterni*- octavo Idus Augusti 1573. , Paulo V. in Constitutione- *Quum certas*- 3. Novembris 1606.

*fraternitate Sanctissimi Corporis Christi,*

§. 4. Insuper Indulgentias Societati Sanctissimi Rosarii, ab ipso Ordinis Prædicatorum Fundatore P. S. Dominico cum insigni animarum fructu, & B. M. V. honore, instituti, à quocumque, & quomodocumque concessas: nominatim verò à laudato Sancto Pio V. LXXXVI. - *Inter desiderabilia* - 28. Junii 1569. & à Sixto V. XXI. -- *Dum ineffabilia*- 30. Januarii 1586. Urbano IV., Johanne vulgò XXII., Sixto IV., Innocentio VIII., Alexandro VI., Julio II., ac Leone X. ( qui in Constit: XLVI. -- *Pastoris æterni* -- Pridie nonas Octob: 1520. concesserat, ut Confratres, & Consores Rosarii per Confessarium prædicti Ordinis Prædicatorum in certis diebus ab eodem assignatis absolvi possent ab omnibus casibus, & censuris, etiam

III.

*Indulgentiæ pro Societate Sanctissimæ Rosarii.*

*Super quibus Casibus & Votis, & quinam Confessarij*

Ordinis  
possint cum  
Rosarii  
Confratri-  
bus, & Con-  
sorcibus  
absolvere,  
& commu-  
nare,

Apostolicæ Sedi reservatis, exceptis contentis in Bul-  
la Cœnæ, eorumque Juramenta quæcumque, sinè  
præjudicio alicujus, relaxari, & Vota, ultramarinis,  
Visitationis Liminum BB. Apostolorum Petri & Pau-  
li, nec non Castitatis, & Religionis Votis exceptis,  
in alia pietatis opera commutari, Ordinarii Loci, vel  
eujusvis alterius licentiâ desuper minimè requisitâ;  
quæ quidem, ut supra, pariformiter confirmamus,  
innovamus, & de novo concedimus, sed intelligenda,  
& accipienda volumus, & declaramus juxta sancita  
à Clemente VIII. in Constitutione CXV. -- *Quæcum-  
que à Sede* -- 7. Decembris 1604. §. 9. ; nimirum, ut  
Confessarii prædicti ab Ordinario Loci, & à suis Su-  
perioribus sint approbati, neque absolvere possint à  
gravioribus casibus prædictæ Sedi reservatis, & ab  
ipso Clemente VIII. ibidem expressis, aut reserva-  
tis Ordinario Loci, neque ab excommunicatione ab  
homine lata, neque dispensare valeant cum prædi-  
ctis super quacumque irregularitate, ex defectu, vel  
delicto proveniente) Adriano VI., Clemente VII.,  
Paulo III., Julio III., Paulo IV., Pio IV., & prædicto  
S. Pio V., ac Gregorio XIII. Necnon à nonnullis  
prædictæ Sedis de latere Legatis, & Nuntiis: ac de-  
mum ab Innocentio XI., *Nuper pro parte* - 31. Julii 1671.  
simulque decreta novissima per Congregationem SS.

Indul-

Indulgentiis præpositam edita 13. Apr., & 13. Augusti 1726., & per Nos approbata. Ad consolationem personarum verè rudiorum, ac Divinis meditantibus Mysteriis in præfato S. Rosario comprehensis minus idonearum, præterea declarantes easdem devotâ, ac piâ ejusdem Rosarii recitatione prædictas Indulgentias; juxta posterius hoc Decretum, Mysteria illa meditantibus tantummodo concessas, etiam lucrari posse; tametsi planè volumus, ut iisdem Reparationis nostræ Mysteriis Sacratissimis meditandis juxta Rosarii institutum assuefiant.

*Rudiores  
sola devotâ  
recitatione Rosa-  
rii Indul-  
gentias  
prædictas lu-  
crari possunt.*

§. 5. Ut tamen devotio Deo, ac B. M. V. adeò accepta, ac Populis salutaris in dies augeatur, de Apostolica benignitate indulgemus, quatenus in perpetuum visitantes infra Octavam, vel in ipsa Octava Festi Rosarii Capellam, in qua erecta sit Societas ejusdem Rosarii, die per eosdem eligenda, Indulgentiam plenariam consequantur, si confessi, ac Sacramentâ Eucharistiâ refecti, pias de more Ecclesiæ ad Deum preces effuderint; declarantes ad mentem quoque Prædecessorum Nostrorum, hanc & cæteras superius confirmatas Indulgentias, visitantibus Capellam Rosarii concessas, eos solummodo lucrari posse, qui Capellam ipsam, sive Altare, non verò quamcumque Sanctissimæ Virginis Rosarii Statuam extra

*Indulgentia plenaria visitantibus Capellam Rosarii infra octavam, vel in ipsa octava ejusdem.*

*Visitanda  
Capella non  
Statua.*

Capel-

Capellam prædictam constitutam visitaverint.

*Nova Rosaria interdicuntur*

§. 6. Ne verò eadem devotio in posterum minuat, Constitutionem CXLIX. Alexandri VII. incipien. -- *In supremo* -- editam die 28. Maii 1664. respectu Rosarii vulgò *Seraphici*: & aliam Clementis XI. -- *In supremo* -- ad petitionem moderni Ordinis Prædicatorum Procuratoris Generalis 8. Martii 1712. respectu alterius Rosarii in honorem SSmæ Trinitatis nuncupati, consulta Sacrorum Rituum Congregatione emanatam, confirmamus, & innovamus, ut supra, easque, & in eis contenta quæcumque extendimus, & ampliamus Motu, scientia, & potestate similibus, ad cætera quæcumque Rosaria de novo inventa, aut invenienda sinè opportuna prædictæ Sedis facultate, quibus authenticum Rosarium prædictum, Deo, & B. M. V. sacrum, non sinè Fidelium perturbatione antiquaretur.

*Missæ privilegiatæ Rosarii.*

§. 7. Confirmamus pari, & expressâ ratione eadem Ordini privativè circa Missam Votivam privilegiam prædicti Rosarii incipien. -- *Salve Radix Sancta* -- Constitutionem XXIX. Clementis X. incipien. -- *Celestium munerum* -- 16. Februarii 1671.

*Solius Magistri Ordinis, aut Vicarii Generalis facultas privata*

§. 8. Prædecessorum insuper quorumvis Nostrorum Constitutiones, nec non Congregationis Rituum in una *Mediolanen.* Decretum latum die 9. Aprilis

1661. quibus post S. Pium in prædicta Constitutione --  
*Inter desiderabilia* -- asserta est privativa facultas eri-  
 gendi, ac fundandi Societates Rosarii, eisque prædi-  
 ctas Indulgentias communicandi soli Magistro Ordini-  
 nis, aut Vicario Generali prædicto; Ita tamen, ut per  
 præsentem Constitutionem nostram Motu, scientiâ,  
 & potestate prædictis Indultum illud per Prædeces-  
 sores Nostros Innocentium XII. , & Clementem XI.  
 in Apostolicis Literis suis similiter incipien. -- *Exponi*  
*Nobis nuper fecit dilectus Filius Antoninus Cloche* -- 1.  
 Martij 1692. , & 18. Februarii 1713. eidem tunc in  
 humanis existenti Ordinis prædicti Magistro quoad  
 viveret concessum, circa facultatem Provinciales Can-  
 narien: S. Crucis, S. Antonini in Indiis, Mexican. ,  
 Peruan. , Quitoen. , Chilen. , Oaxacan. , Chiapen. ,  
 Angelorum in nova Hispania, Philippinarum, & Cong-  
 gregationis Indiarum Orientalium Portugalliæ, nec  
 non Vicarios Provinciales Missionariorum in Tunki-  
 ni, & Sinarum Regnis, pro erectione Societatis Ro-  
 sarii, in illis Regionibus longissimè distantibus, sub-  
 stituendi, & delegandi eâ lege, ut iidem alios sub-  
 delegare nullatenus possent, & quotannis eundem  
 Antoninum de erectis Confraternitatibus certiorè  
 reddere tenerentur, ac salvâ semper auctoritate Cong-  
 gregationis Venerabilium Fratrum S. R. E. Cardin.

tiva insti-  
 tuendi So-  
 cietates  
 Rosarii, fa-  
 cta eidem  
 Magistro  
 certâ facul-  
 tate pro Re-  
 gionibus Oc-  
 cidentali-  
 bus, & Ori-  
 entalibus  
 subdele-  
 gandi alios  
 in Ordine  
 ad ibidem  
 illas, sicut,  
 & alias So-  
 cietates in-  
 stituendas.

Concilii Tridentini. Interpretum, non solum ad moder-  
num primò dictum, sed etiam ad quemvis pro tem-  
pore futurum prædicti Ordinis Magistrum, etiam re-  
spectivè ad Provinciale de Buenos Ayres, & ad Vi-  
carios Congregationis Sanctissimi Nominis JESU, &  
Sac: Rosarii in America, ac etiam in ordine ad eri-  
gendas Societates supradictas ejusdem Nominis JESU,  
& infra dicendas Militiæ S. Thomæ in prædictis o-  
mnibus Regionibus, extendimus, & ampliamus.

*Pro fun-  
dandis So-  
cietatibus  
non requi-  
ritur dif-  
tantia ali-  
as sancita.*

§. 9. Ac demum declarationem prædictæ Con-  
gregationis Indulgentiis præpositæ 7. Septembris an-  
1607. de mandato prælaudati Clementis VIII., ni-  
mirum, pro erigendis novis illis, aliisque Societati-  
bus non requiri distantiam illam, quæ per antiquio-  
res Apostolicas Ordinationes sancita fuerat, dummo-  
do cætera serventur requisita.

IV.

*Indulgen-  
tia pro So-  
cietate  
Crucesigna-  
torum, &  
Ministris  
S. Officii.*

§. 10. Deinde Indulgentias omnes, ac singulas,  
& gratias à S. Sede Crucesignatis, ac Ministris S. Of-  
ficii concessas, neque ab eadem Sede expressè revo-  
catas.

V.

*Indulgen-  
tia pro So-  
cietate Mi-  
litiæ Ange-  
licæ Cingu-  
li S. Tho-  
mæ.*

§. 11. Ulteriùs Indulgentias omnes, & singulas,  
& gratias Societati *Militiæ Angelicæ*, aut *Cinguli S.  
Thomæ Aquinatis* pro obtinenda sub protectione ejus-  
dem, in arduo tentatæ castitatis certamine, victoria,  
ac respectivè propaganda erga S. Doctorem devotio-

ne,

ne, fundatæ, concessas pro diversis Ecclesiis Conventuum nostri Ordinis prædicti ab Apostolica Sede per Innocentium X. Brevi dato ad Lovanienses 21. Martii 1654. , Innocentium XI. pro Ecclesia sub nuncupatione Rosarii Conventûs Veneti: & præcipuè per Innocentium XII. pro Ecclesia Conventûs Mutinen. sub die 24. Decembris 1695. , ac pro Ecclesia Conventûs Cæsaraugustani ad Sanctum Idelphonsum in Constitut: incipien. -- *Considerantes nostræ mortalitatis* -- Idibus Septembris 1693. , cui inhærentes præcipuum hujus Societatis Festum declaramus diem XXVIII. Januarii, Translationi corporis S. Doctoris sacrum, eamque Societatem cum prædictis Indulgentiis, & gratiis à Prædecessoribus nostris concessis, ad totum prædictum Ordinem Prædicatorum, auctoritate, ut suprà, extendimus, & ampliamus; eisdemque quatenus opus sit unientes, & incorporantes Societatem Academiæ Studentium ejusdem S. Thomæ, fundatam in Ecclesia Barchinonen. Fratrum Prædicatorum ad honorem S. Catharinæ V. & M. erecta, ac cum prædicta ferme convenientem, atque confirmatam, & pluribus Indulgentiis auctam à Sixto V. in Constitutione sua -- *Salvator Noster* -- Kal. Junii 1586. Deinde à Paulo V. in Constitutione incipien. -- *Pietatis, & Christianæ caritatis* - 4. Septemb:

*Festum ejus præcipuum.*

*Unitur eisdem Societas Academiæ Studentium S. Thomæ.*

1617. , ac demum ab Innocentio XI. - *Dudum fel: rec: Paulus PP. V.* -- 16. Junii 1681. , concedimus, & communicamus quaslibet Indulgentias à mox dictis Prædecessoribus nostris huic Societati Academiae concessas, ac illi antea ex aliis prædictis Apostolicis Indultis non convenientes, ac expressè, & signanter illam LX. dierum pro iis, qui ex eadem Societate, Conclusionibus, & Disputationibus Theologicalibus ejusdem Societatis interfuerint: quo sic Angelico S. Thomæ lacte pasti, ac nutriti Confratres, & Conso-  
 rores, castitatis donum Deo dante feliciter tueantur, aut consequantur amissum; Eadem Auctoritate Apostolicâ præfatas Confraternitates erigendi, & instituendi ubique facultatem, & quidem privativam, concedentes Magistro Ordinis, ac Vicario Generali pro tempore.

*Magistri Ordinis, & Vicarii Generalis facultas privativa eam Societatem ubique fundandi.*

VI.

*Indulgentia pro Ecclesiis, Societatibus, & Habitu benedicto Ordinis.*

§. 12. Demum Indulgentias quarumcumque aliarum Societatum in Ecclesiis quibusvis Ordinis prædicti canonicè erectarum eisdem à prædicta Sede concessas, sicuti & quaslibet Indulgentias Ordinis Ecclesiarum visitantibus à quocumque concessas; Iisque addimus Indulgentiam quinque annorum, totidemque quadragenarum singulis devotè deosculantibus Religiosum Habitum Ordinis benedictum.

VII.

*Regula pro*

§. 13. Quum verò Nobis multiplici constet experi-



perimento, Congregationes ab usu, vel non usu Cappæ, Cappatas, & respectivè non Cappatas, aut quocumque nomine appellatas uniones Sæcularium administrantium temporalia bona ad prædictas Nominis JESU, Rosarii, aliasque Societates Sæculares in Ecclesiis præfati Ordinis fundatas spectantia, quæque de directo Dominio præfatorum Fratrum, sive eorum Conventuum, aut Ecclesiarum, in opus pium etiam determinatum convertenda, verè & realiter sunt, & quatenus opus sit, verè & realiter esse, ac fore quandocumque, Motu, scientia, & auctoritate prædictis declaramus, & sancimus: sive ad aliquod pietatis opus, vel devotionem aliquam peragendam, in eisdem Ecclesiis, aut in aliquo Oratorio ad prædictum Ordinem quoque spectante, quomodocumque introductas, contra suam ipsarum Institutionem, in apertam Dei, B. M. V., Sanctorumque, sub quorum Invocatione erectæ fuerant, ac fundatæ, gravemque injuriam, Fidelium scandalum, & prædicti Ordinis Fratrum perturbationem, ac præjudicium, passim contra ipsorum Superiorum ejusdem Ordinis Auctoritatem per despoticam bonorum prædictorum administrationem, per lites acerrimas Fratribus intentatas, ac nonnisi expensis Societatum præfatarum in præposterum usum converfis, introductas, ac terminatas,

*Congregationibus Sæcularium spectantium ad Societates erectas in Ecclesiis Ordinis.*

*Dispositio circa bonam earundem Societatum.*

*Motiva ejusdem Ordinationis.*

per apertum contemptum; Imo quandoque, quod longè intolerabilius est, per violentam sui ipsorum introductionem in Sanctuarium, sive in ea, quæ merè spiritualia, aut spiritualibus adnexa sunt, necnon per plures alios diversos modos, utique damnandos sese erigere, atque intromittere; hinc ad tantum malum tollendum, per novissimum Capitulum Generale Ordinis Bononiæ habitum 1725. in Commissione II. ad Nos delatum, & ad consulendum Dei, B. M. V., & Sanctorum famulatu, Ecclesiarum decori, ac Fratrum prædictorum quieti, non solùm hæctenus aliquas ejuscemodi effrænes Congregationes per Apostolicas Literas suppressimus, verùm, ut Apostolica providentia Nostra ad totum spectatissimum Ordinem in hoc ipso quoque sese extendat, Motu, scientiâ, & potestate prædictis sub Interminatione Divini Judicii, nec non sub Excommunicatione latæ Sententiæ eo ipso, absque aliqua alia declaratione incurrenda, à qua solùm per Magistrum Generalem, vel Generalem Vicarium Ordinis, & non per alium quemcumque inferiorem, absolvi possint, omnibus, & singulis Fratribus, & Superioribus etiam Provincialibus prædicti Ordinis, præcipimus, & mandamus, hæc nostrâ perpetuò valiturâ Constitutione, ne, ubi hæctenus prædictæ, aliæve consimiles quæcumque Congre-

*Fratres in-  
posterum  
nullam ejus-  
modi Con-  
gregatio-  
nem intro-  
ducere au-  
deant.*

gregationes, aut Vniones erectæ, fundatæ, & institutæ non sunt, non solum actu introducere, sed ut introducantur attentare, vel operari, inconsulto Romano Pontifice pro tempore, audeant, vel præsumant. Ubi verò primùm sub veræ devotionis obtentu, vel Fratrum conniventia, vel alia quacumque via, & causa in Ecclesiis, aut Conventibus, & Oratoriis prædictis, actu erectæ, & institutæ reperiuntur, districtissimè in virtute Sanctæ Obedientiæ eisdem Congregationibus, aut Unionibus, earumque singulis membris præcipimus, & mandamus, ut juxta religiosum, ac pium Societatum, quarum sunt Ministri, institutum, omnino intra certos modestiæ terminos ita sese contineant, ac in Dei famulatu exerceant; ut firma penitus ac illæsa undique sit debita respectivis Superioribus prædicti Ordinis, eorumque delegatis Religiosis, obedientia, & subjectio in iis omnibus, quæ Societatem, ac etiam Congregationem ipsam, sive spiritualia sint, sive temporalia, & nominatim ac signanter & expressè dispensationem, custodiam, ac usum prædictorum bonorum mobilium, & immobilium quorumvis, quomodocumque spectant, ut uno corde, & ore cum prædictis Fratribus directoribus, Deo in odorem suavitatis ministrent.

*Congregationum debita obedientia erga Fratres Ordinis.*

§. 14. Si verò, quod absit, Congregatio aliqua,

*Privantur refragantes gratis spirituali-*

præte-

*bus Socie-  
tatis co-  
rum.*

*Dissolvenda  
Congrega-  
tiones re-  
fragantes,  
et modus  
dissolutionis  
peragenda.*

prætextu consuetudinis etiam immemorabilis, aut conventionis, vel alterius cujuscumque tituli adhuc obsistere pergat in iis, quæ præsentî hâc nostrâ Constitutione sancita sunt, Motu, scientia, & potestate similibus; eam, ejusque omnia, & singula membra contra prædicta quovis modo refragantia privamus tam in vita, quàm in morte, & post mortem omnibus, & singulis Indulgentiis, & gratiis spiritualibus quibuscumque ad Societatem, ad quam pertinebunt, spectantibus, eamque, vel eas supprimimus, atque dissolvimus, quinimmo privatas, suppressas, & dissolutas declaramus, & decernimus; Mandantes locorum Ordinariis, ut de hoc ipso per prædictos Fratres admoniti, invocato etiam, si opus fuerit, auxilio brachii sæcularis, talem dissolutionem, & suppressionem ad exitum perfectum omnino perducant, applicatis bonis mobilibus, & quidem omnibus in universum, & quibuscumque favore Ecclesiæ Fratrum, immobilibus verò dumtaxat post deductam favore ejusdem Ecclesiæ Fratrum congruam dotem pro decenti mantentione Capellæ, seu Altaris, necnon pro Missis perpetuò per ipsos celebrandis, Seminario Clericorum, eoque deficiente, alteri operi pio sibi bene viso: quoties tamen bona prædicta tam mobilia, quàm immobilia præfatæ Capellæ, aut Altari Fratrum ex aliqua

aliqua gravissima causa minimè relinquenda fore visum fuerit. Si verò bona ipsa leviora sint, eadem omnino Capellæ, sive Altari, & Conventui plenariè applicanda sancimus, & applicata declaramus.

§. 15. Eandem verò subjectionem Prælati, ac Religiosis Ordinis circa prædicta omnia præstabunt etiam sæculares quicumque, congregati ad administranda bona Societatis Rosarii in iis locis, in quibus auctoritate Apostolicâ, vel Magistri Ordinis erecta fuerit Societas, postquam in ipsis locis erigi contigerit Conventum dicti Ordinis, cui eo ipso plenariè, ac subjectivè accedit Societas hujusmodi cum omnibus, & singulis Indulgentiis, pertinentiis, ac bonis quibuscumque suis spiritualibus, & temporalibus, non solum ex Literis Erektionis per Magistrum Ordinis dari solitis, sed etiam ex Apostolica Gregorii XIII. Constitutione -- *Dudum siquidem* -- 1. Augusti 1575., quam Nos confirmantes, innovantes, aut de novo concedentes ( atque etiam per omnia similiter extendentes ad Societatem Sanctissimi Nominis JESU ) nunc pro tunc talem Societatem, cum cujuscumque generis bonis spiritualibus, & temporalibus, mobilibus, & immobilibus, adjudicamus, unimus, & incorporamus, & sic adjudicata, unita, & incorporata declaramus Conventui, sive Ecclesiæ dicti Ordinis; mandantes

*Regula pro Societatibus in locis, in quibus novus Conventus erigi contingat.*

quoad Societatem ipsam, & bona quævis spiritualia ita inviolabiliter, indefinitè quidem, & in perpetuum observari. Quoad temporalia verò quotiescumque justa de causa à Magistro Ordinis pro tempore expendenda, ac de ipsius licentia expressa, non contingat Fratres præfatos in erectionem alicujus novi Conventûs consentire cum aliquorum, aut omnium illorum bonorum assignatione, ad quem effectum eidem Magistro necessarias, & opportunas facultates elargimur. Quatenus verò à tali prædicta subjectione iidem congregati recedant, eorum Congregationem pari ratione dissolvendam, immò dissolutam, ex nunc, ut prædictum est, declaramus, volumus, & mandamus.

VIII.  
Processio  
Corporis  
Christi Do-  
minicâ in-  
fra Octa-  
vam Festi-  
e ejusdem.

§. 16. Quò ad Processiones autem confirmamus, innovamus, & de novo concedimus Motu, scientia, & potestate, ut supra, Privilegium Indultum Fratribus prædictis à S. Pio V. in Literis in forma Brevis datis 20. Junii 1570. quòd soli possint peragere Processionem cum Augustissimo Sacramento in Dominica infra octavam Corporis Christi horâ qua maluerint, & per vias semel tantummodo per eos eligendas; quod quidem Indultum non obstantibus quibuscumque Constitutionibus Apostolicis, & consequenter derogando illi Gregorii XIII., quæ incipit -- *Quum interdum* --



impartitum, confirmamus, volentes, & mandantes, quòd ejusdem Ordinis Fratres Processionem solem-  
nem Rosarii juxta dictas Literas Nostras in prima  
Dominica Octobris celebrare debeant, & respectivè  
possint absque interventu Parochi, & licentia ab Or-  
dinario Loci minimè requisita, sive sint in possessi-  
one eandem Processionem faciendi, sive non.

*Eadem Pro-  
cessio in ali-  
os dies  
translata.*

§. 18. Ex quo verò nonnullis in Locis, sicut per-  
cepimus, iidem Fratres legitimè impediti ex concur-  
su alterius consimilis Processionis aliorum Conventu-  
um ejusdem Ordinis, vel ex alia causa, talem Procef-  
sionem ad alium diem differre coguntur, vel etiam  
juxta consuetudinem ibidem obtinentem uno, aut al-  
tero die B. Virgini Mariæ sacro, quotannis publicam  
Processionem ejusdem Rosarii peragunt, Motu, scientia,  
& potestate sæpe dictis tale Indultum quò ad om-  
nia, & singula in eo contenta pro eisdem circumstan-  
tiis extendimus, & ampliamus.

*Processio  
solemnis  
Nominis  
JESU.*

§. 19. Pari ratione concedimus, ac volumus in  
quolibet primo anni die eosdem Fratres solemnem  
Sanctissimi Nominis JESU Processionem liberè, & li-  
cità ubique Locorum peragere posse, ac debere.

*Processio-  
nes Rosa-  
rii, & No-  
minis JE-  
SU etiam  
extraClau-  
stra.*

§. 20. Similiter confirmamus consuetudinem plu-  
ribus in locis, saltem aliquibus ab hinc annis, ut acce-  
pimus, obtinentem, eique Apostolicæ firmitatis ro-  
bur



bur adjicimus, quòd in Processionibus Nominis JESU, & Rosarii, quæ singulis mensibus à Fratibus prædictis, juxta supra memoratas Concessionibus Apostolicas cum Indulgentia plenaria peraguntur, eadem fiant etiam extra ambitus Conventuum, quo uberius populi commoditati, & devotioni, orationum recitationi, & ad convenientius lucrandum Indulgentiam, consulatur: districtè prohibentes, ne super his à quocumque quavis autoritate pollente impediri possint, aut molestari; imò concedimus cæteris Conventibus Ordinis, in quibus nimis compendiosus videri posset intra, & circa Claustra circuitus pro eisdem Processionibus debite instituendis, convenientem transitum extra Ecclesiam, & Claustra, cum Ordinario Loci tantummodo, & semel dirigendum, illum nunc pro tunc Apostolicâ auctoritate tenore præsentium ratum habentes, & perpetuò retineri mandantes.

§. 21. Et quia prædictas sacras Functiones, Populum à vanis retrahentes, & in Dei servitio diutiùs continentes, indè præcipuè impediri contingit, quia Parochis persuasum est, per easdem suam ipsorum Jurisdictionem deturbari: quum de reliquo jugi, ac tumultuario Sæcularium per easdem vias, in quibus fierent Processiones, excursu, eidem propriæ jurisdictioni nullum præjudicium inferri noscant, & sci-

*Ex prædictis Processionibus nullum consequitur præjudicium Parochorum jurisdictioni.*

ant; ad hujusmodi controversiarum radicem evellendam, Motu, scientiâ, & Potestate, ut supra, sancimus, decernimus, & declaramus, ex Processionibus prædictis, aut aliis quibuscumque, etiam cum Cruce erecta & Stola, nullum aut de jure, aut de facto generari, & sequi posse præjudicium Parochorum Juribus: nec non Fratres prædictos cum Cruce erecta, ac Stolam gestantes sine licentia Ordinarii, & interventu Parochi easdem Processiones, omnesque alias peragere posse, ac debere.

*Processiones, ad quas Fratres accedere tenentur.*

§. 22. Quum insuper Nobis compertum sit, quantum detrimenti adferant Studiis, Regulari observantiæ, ac etiam Ecclesiasticis Functionibus extraordinariæ illæ Processiones, ad quas quandoque Fratres prædictos adigi alicubi contingit, Motu, scientiâ, & auctoritate similibus, volumus, & mandamus, quod Fratres prædicti non teneantur accedere, nisi ad Processiones sequentes: ad illam scilicet, quæ fit in die Corporis Christi: illas, quæ fiunt in Litaniis majoribus, & Rogationibus: & alias, quæ pro bono, causa, aut honore publico, ab Episcopis indicentur, juxta Decretum generale anni 1628. Circa quas tamen non intendimus aliquid innovare pro illis Conventibus, & Locis, in quibus ex Apostolica dispensatione, Decreto aliquo Congregationum S. R. E. Cardinalium, vel  
 confue.

consuetudine, Fratres ad omnes, vel aliquas Processiones accedere antehac non tenebantur, aut non consueverunt: quos imò in hoc ipso nullatenus posthac turbari volumus: eaque Indulta, & Consuetudines pro iisdem confirmamus, innovamus, & de novo concedimus, ipsis Apostolicæ firmitatis robur addentes, sublatis quibuscumque Decretis Congregationum, consuetudinibus etiam centenariis, ac immemorabilibus, nec non pactis, & conventionibus, ac cæteris contrariis quibuscumque.

§. 23. Aliud quoque Indultum ipsi Ordini per Nos concessum in Literis datis 22. Septembris 1724. & incipien. -- *Exponi Nobis* -- circa Altaria Privilegio affecta, non solum, ut supra, confirmamus, & innovamus, & de novo concedimus, verum præterea declaramus, accipiendum juxta alias Literas Clementis IX. -- *Quum fel: rec: Alexander PP. VII.* -- emanatas sub 23. Septembris 1669. ita, quòd Missæ secundum tenorem Literarum nostrarum prædictarum à Fratribus Prædicatoribus celebratæ, intelligantur, & sint eodem Privilegio affectæ, tametsi non sint Defunctorum, sive sint ex obligatione, sive ex devotione, quotiescumque Missa Defunctorum celebrari non possit.

IX.  
*Explicatio  
Indulti pro  
Altaribus  
Privilegiatis.*

§. 24. Illud Indultum Ordini Prædicatorum aliàs impar-

X.  
Quando  
transfe-  
rentur Fe-  
sta Ordinis,  
transfe-  
rantur eti-  
am Indul-  
gentia.

impartitum à Leone X. in Constit. -- *Expōsuit Nobis* --  
23. Julii 1518., quod scilicet: *Quoties Festivitates*  
*SS. Dominici, Petri Martyris, Thomæ de Aquino, &*  
*Catharinæ Senen., & octavarum earundem celebrati-*  
*ones qualibet ex causa, etiam extra tempus Interdicti*  
*transferrentur, etiam Indulgentia, Ecclesias visitan-*  
*tibus in Festivitatibus hujusmodi, & per earum octavas*  
*pro tempore concessæ, ad tempus celebrationis hujusmodi*  
*sint, & censeantur translata, Auctoritate Apostolicâ*  
*approbantes, innovantes, & de novo concedentes, ut*  
*suprà, pari ratione extendimus ad alias Festivitates*  
*aliorum ejusdem Ordinis Sanctorum Factis adscripto-*  
*rum, vel in posterum adscribendorum, & ad Festum*  
*omnium ipsius Ordinis Sanctorum, quod die IX. No-*  
*vembris celebrari solet, atque ad Octavas, & Indul-*  
*gentias pro eisdem à Prædecessoribus Nostris, vel à*  
*Nobis hæctenus concessas, ac quancumque con-*  
*cedendas: ac etiam ad Festum, & Octavam Sanctissi-*  
*mi Rosarii, quoties ob occurrentes majores Festivi-*  
*tates, vel alias causas transferri contingat.*

XI.  
Facultas  
Superiorum  
Ordinis ad  
absolven-  
dos eorum  
Subditos.

§. 25. Facultatem quoque datam à sæpe dicto San-  
cto Pio V. in Constitutione CXXXIII. -- *Romani Pon-*  
*tificis circumspecta benignitas* -- 21. Julii 1571. Præ-  
latis Ordinis, absolvendi sibi subditos Fratres, ac So-  
rores, & cum eis dispensandi, sicut absolvere, & dis-  
pensare

penſare poſſunt Epiſcopi cum eorum Clericis ex *De-  
cret. Concil. Trident. Sefs. XXIV. cap: VI.*, inter-  
dicto tamen penitus iifdem Fratribus, & Sororibus  
uſu Cruciatæ, ſive alterius cujuſcumque Privilegii,  
ad eligendum ſibi Confeſſarium, & obtinendas ejuſ-  
cemodi diſpenſationes, & abſolutiones, quem uſum  
etiam providè interdixerunt Clemens VIII. Conſti-  
tutione LXIV. -- *Romani Pontificis* -- 23. Novembris  
1599. , & Urbanus VIII. Conſt: CV. *In ſpecula* -- 19.  
Junii 1630. iifdem Prælatiſ confirmamus, ut ſupra,  
innovamus, & quatenus opus eſt, de novo concedi-  
mus. Ac inſuper attendentes, Julium II. Prædeceſſo-  
rem Noſtrum in Conſtitutione -- *Exponi Nobis* -- in-  
ferius referenda, decreviſſe, quòd omnes Prælati Or-  
dinis Prædicatorum, quibus antea à Sixto IV. in Con-  
ſtitutione VII. -- *Regimini* -- Kal: Januarii 1474. §.  
4. , & in alia incipien. -- *Quoniam omnes* -- 28. Maji  
1481. conceſſa fuerat Potestas abſolvendi, & diſpen-  
ſandi ſuos Subditos in caſibus Sedi Apoſtolicæ refer-  
vatis, etiam in Bulla Coenæ, & Gregorium IX. , In-  
nocentium IV. , Alexandrum IV. , Clementem IV. ,  
Bonifacium VIII. , ac ſucceſſivè alios Prædeceſſores  
Noſtros, ut Religioſorum excuſibus, Ordinis decori,  
ac Superiorum auctoritati providè occurrerent, am-  
plam iifdem Prælatiſ Ordinis circa ſibi ſubditos Fra-

tres, & Moniales, facultatem dedisse, ut super casibus, & censuris eidem Sedi aliàs reservatis absolverent, & dispensarent; confirmamus quoque, innovamus, de novo, ut prædictum est, concedimus, atque decernimus, & declaramus, prædictos Ordinis Prælatos absolvere posse Fratres, & Sorores, sibi subiectos, & subiectas, ab omnibus, & singulis casibus, & censuris Sedi Apostolicæ etiam per Bullam Cœnæ reservatis, exceptis dumtaxat illis, quos laudati Sixtus IV. , & Julius II. in præmissis eorum Constitutionibus excipiendos fore voluerunt: Eosque dispensare posse super quavis irregularitate, ex homicidio voluntario ortâ dumtaxat exceptâ; Possint tamen solus Magister Ordinis ab irregularitate hujusmodi dispensare cum Fratribus sibi subditis, dummodo homicidium non fuerit appensatum, & intra Claustra extiterit consummatum.

*Regula pro  
Confessariis  
Sæculari-  
um.*

§. 26. Animo quoque repetentes, à Sede Apostolica fuisse concessa quamplura privilegia circa absolutionem, relaxationem Juramentorum, & Votorum commutationem, pro Confessariis Ordinis prædicti quoad personas sæculares, ac præcipuè spectantes ad Societates supramemoratas, ad tollendas super hoc quascumque dubietates ex diversis prædictæ Sedis, juxta temporum, & circumstantiarum diversitatem  
provi-

providè emanatis dispositionibus, atque ex Auctorum in diversa abeuntium opinionibus subortas, volumus, sancita in prædicta Const: Clementis VIII. incipien. -- *Quæcumque à Sede* -- ab omnibus, & circa quaslibet personas inviolabiliter observari.

§. 27. Bene verum est, quòd circa personas prædictis Societatibus adscriptas intelligimus, prout volumus, & de Apostolica benignitate indulgemus, concedimus, & declaramus, ut à Confessariis Ordinis Prædicatorum absolvi, eorumque juramenta relaxari, ac Vota commutari, sicut de Confratribus, & Conforribus Rosarii, supra diximus, & concessimus, possint, ac valeant; pro Societate quidem Sanctissimi Nominis JESU in primo anni, & tribus immediatè præcedentibus diebus, juxta superius innovatas Constitutiones Pii IV. -- *Injunctum* -- & Gregorii XIII. -- *Aliàs fel: rec: Pius PP. IV.* -- Pro aliis verò Societatibus in Festo præcipuo ipsarum, & tribus diebus tale Festum immediatè antecedentibus. Et circa reliquas personas sæculares Societatibus minimè adscriptas, iisdem Confessariis Ordinis concedimus, ut easdem ab aliàs prædictæ Sedi reservatis Casibus, & Censuris absolvere, eorumque Vota commutare, ac juramenta solvere, juxta privilegia, quæ ipsorum, aut alii ex inferiùs recensendis, siye alteri cuicumque Regularium quocum-

*Facultas Confessariorum Ordinis circa adscriptos, & non adscriptos Societatibus in Ecclesiis Ordinis erectis.*

que nomine nuncupatorum Ordini, Congregationi, aut Societati ab Apostolica Sede concessa esse, nec abrogata fuisse constiterit, possint ac valeant.

Confessarii Ordinis semel approbati ab Episcopo examinari iterum non debent, neque omnes a confessionibus simul arceri possunt.

§. 28. Circa audientiam verò Confessionum Sæcularium personarum quarumcumque servandus erit tenor Constitutionis CXXXIII. S. Pii V. - *Romani Pontificis providentia* - 8. Id. Augusti 1571. §. 2., quæ nimirum cavetur, semel approbatos prævio examine ab Episcopo, ab eo iterum examinari non debere, nec non Constitutionis VII. Clementis X. incipien. - *Superna* - §. 6., qua disponitur, cunctis Fratribus unius Conventûs simul adimi non posse facultatem, Confessiones audiendi, inconsulta Sancta Sede.

XII. Facultas, & Privilegia Prædicandi.

§. 29. Memores porro quantum ex prædicatione Verbi Dei Catholica Religio incrementum reportaverit, & quantum proinde meritum sibi comparaverint Fratres hujus Ordinis, quos perinde Sedes Apostolica ab incunabulis ejusdem Ordinis præclaro nomine *Prædicatorum* insignivit, Indulta desuper à Prædecessoribus Nostri concessa pro insertis habentes, atque Fratribus ipsis quamplenissimè confirmantes, innovantes, ac de novo concedentes, Motu, scientiâ, & potestate prædictis, confirmamus facultatem prædicandi Verbum Dei, ad normam tamen *Concilii Tridentini Sess. XXIV. cap: IV.*, & declarationis S. Pii



V. in Constitutione -- *Et si mendicantium* -- & -- *Ad hoc Nos Deus* - §. 8., quam declarationem intelligendam esse volumus, ubi pro habendis ad sæculares Concionibus Episcopus non contradicat alicui determinato Fratri propter particularia motiva.

§. 30. Ad hæc declaramus, mandamus, & decernimus, ut supra; quòd iidem Fratres ex Altari, aut suggestu in Ecclesiis, sive Oratorii Ordinis, devotionem Sacri Rosarii potissimè, tanquam ejusdem Ordinis insigne Patrimonium, ejusque Indulgentias, sicuti & cæterarum Societatum in ipsis Ecclesiis, aut Oratoriis erectarum, aut deinceps erigendarum, nullatenus petita ab Ordinario loci licentia, promovere, & prædicare liberè, ac licitè possint, ac valeant.

*Libera promotio devotionis præcipue Rosarii in Ecclesiis Ordinis sine Ordinarii licentia.*

§. 31. Privilegia quoque Missionariis Ordinis etiamnum hodie cum tanto vitæ discrimine, & Animarum fructu inter barbaras nationes in Sinis, Tunchino, Armenia, Americanis Insulis, ac alibi Fidem Catholicam strenuè propagare pergentibus, concessa ante, & post Johannem vulgò XXII. in Constitutione -- *Quum sit hora* -- 3. Id. Novèb: 1321. à Sede prædicta, Indulgentias insuper omnes, ac cæteras quascumque gratias, pro infertis habentes, iisdem in Domino, ut supra, confirmamus, innovamus, ac de novo concedimus, & elargimur.

*Privilegiū Missionariorum.*

XIII.  
*Privilegia  
 famulorum,  
 & eorum,  
 qui infir-  
 mantur, aut  
 moriuntur  
 in Con-ven-  
 tibus Or-  
 dinis.*

§. 32. Famulis verò commorantibus in obsequiis Ordinis Prædicatorum, ut Fratres ejusdem quævis Sacramenta etiam in Paschate, & in mortis articulo ministrare, eorumque cadavera, quum obierint, in ipsorum Cœmeteriis sepelire, inconsulto prorsus, ac etiam renuente Parocho, pariformiter concedimus, ac elargimur, juxta Literas Innocentii IV. -- *Qui Deum tota mente diligitis* -- 3. Non. Febr: 1244. confirmatas ab Alexandro IV. in *Mari magno* -- à Gregorio XI. in Bulla similiter incipien. -- *Qui Deum &c.* -- & à Nicolao V. in Bulla -- *Iustis, & honestis* -- pridie Kal: Aug: 1448. , & Innocentii VIII. in Constitutione incipien. -- *Exponi Nobis fecistis* -- 23. Octobris 1487. Et hæc quidem omnia extendi volumus, & mandamus ad eos, quos devotione, vel casu aliquo in Conventibus Ordinis infirmari, sivè etiam mori contingat.

XIV.  
*Facultas  
 Prælatorum  
 Ordinis benedi-  
 cendi vestes  
 Ecclesiasticas,  
 Ecclesiasticas &c.*

§. 33. Insuper facultatem indultam Superioribus quibuscumque etiam Localibus Fratrum Prædicatorum, benedicendi quæcumque Vestimenta, aut Paramenta Ecclesiastica, in quibus non intervenit Unctio, à Bonifacio IX. in Const: -- *Sacra Religionis* -- 5. Kal: Maji 1402. , ab Innocentio VIII. loco statim referendo, & à S. Pio in Brevi incipien. -- *Volentes iis* -- 25. Junii 1571. : Solemniter, & juxta ritum Ecclesiæ,

clesiæ, aquâ priùs à Catholico Episcopo benedictâ, reconciliandi pollutas Ecclesias, Cœmeteria, aut Claustra à Clemente V. in Bulla edita 8. Id: Martii 1307., & ab Innocentio VIII. per Bullam -- *Benignitas* -- 1484. , & à S. Pio V. in Brevi edito 16. Junii 1569. eidem Ordini, ejusque Superioribus prædictis, motu, scientia, & auctoritate similibus, confirmamus, & innovamus, & respectivè declaramus, prædictis Superioribus esse præterea permissum aquâ, ut suprà, ab Episcopo benedictâ, novas Ecclesias, nova Cœmeteria, Capitula, Claustra, & Oratoria benedicere, & hæc omnia etiam de novo concedimus, & elargimur; hoc amplius, quòd ubi Diocesanus Episcopus renueret aquam à se benedictam concedere, possint, & debeant licitè, & validè iidem Fratres à quocumque Catholico Episcopo aquam in ejus Diocesi benedictam ad prædicta præstanda accipere, & adsportare.

S. 34. Quia verò ad aures Nostras pervenit, non obstante nostra, ac etiam novissimi *Romani Concilii* per Nos habiti *Tit: V. Cap: 11.* sententia, quòd *Regulares vigore suorum Privilegiorum tutò, & absque novo Indulto Apostolico extra tempora sacris initiantur,* etiam post Decreta Concilii Tridentini, à nonnullis etiam Episcopis in dubium revocari, an inter tales Regulares, licèt indefinitè nominatos, recenseri debeant

XV.

*Fratres Ordinis ordinari possunt extra Tempora.*

beant Fratres prædicti Ordinis Prædicatorum, Motu, scientiâ, & autoritate prædictis, declaramus, eodem Fratres ex nostra, ac etiam dicti Romani Concilii definitione eodem Privilegio frui, ac potiri posse, & debere; & quatenus opus sit, pariformiter dispensantes super quacumque contraria dispositione, de novo illud idem privilegium pro singulari nostra erga prædictum Ordinem, intra cujus dilectissimum sinum adhuc versari gloriamur, dilectione, iisdem Fratribus signanter, specificè, & in individuo concedimus, quatenus à Diocesano, eoque renuente, aut non valente, à quocumque Catholico Episcopo Ordines extra Tempora suscipere, & Episcopi ipsis conferre, liberè, & licitè valeant juxta declarationem S. Pii V. in Bulla -- *Et si mendicantium* - & Decretum Clementis VIII., & uberius explicata in dicto Concilio Romano Nostro *Tit: V. Cap: 1., & Tit: XXI. Cap: 11.*

XVI.  
 Jurisdic-  
 tio  
 spiritalis  
 Superiorum,  
 & Con-  
 fessoriorum  
 Ordinis pro  
 excipiendis  
 sibi subje-  
 ctarum Mo-  
 nialium con-  
 fessionibus.

§. 35. Recolentes quoque quantum Monialium directio, & Clausura debeant præclaro huic Ordini, & in primis quidem celeberrimo ejusdem Patriarchæ S. P. Dominico, utriusque in hac ipsa Alma Urbe nostra Institutori; Ac attendentes, Clementem IV. in Constitutione -- *Affectu sincero* - 8. Idus Februarii 1267. Apostolica sollicitudine commendâsse Filiis tanti Parentis curam illam Monasteriorum, quam pridem

à se ab-

à se abdicaverant, ut uberius, & felicius insisterent  
Ministerio Verbi, facta ipsis plenissima potestate, eas-  
dem Sanctimonialia visitandi, corrigendi, earumque  
Confessiones non solum per Magistrum Ordinis, &  
Provinciales, sed etiam per alios Fratres idoneos au-  
diendi. Benedictum XI. ejusdem quoque Ordinis in  
Constitutione -- *Sacra vestra Religio* - 3. Kal: Martii  
1304. easdem Moniales à Jurisdictione cujuscumque  
extra prædictum Ordinem existentis exemisse, quòd  
S. Pius in sua Constitutione -- *Et si Mendicantium* --  
aliquæ consequentes Pontifices confirmârunt, ac ip-  
sa *Tridentina Synodus* ratum habuit *sess. XXV. cap:*  
*IX.*, omnia hæc supradictis motu, scientiâ, & pote-  
state confirmantes, innovantes, ac quatenus opus sit  
de novo concedentes decernimus, & declaramus, jurif-  
dictioni Prælatorum Ordinis subesse etiam Puellas  
educationis causâ, aliasque Mulieres ex legitima dis-  
pensatione introductas, & degentes in Monasteriis  
ejusdem Ordinis Monialium exemptis, & respectivè  
subjectis, ut supra Prælati d. Ordinis; Et ita pariter  
mandamus, & declaramus, Fratres Confessarios in  
Ordine approbatos (circa quam approbationem Nos  
quoque Prælatorum Ordinis conscientiam summopè-  
rè in diem Domini oneramus) & ab Ordine ipso de  
more ad Monialium sibi subjectarum Confessiones au-

diendas distinctos, Locorum Ordinariis debitam reverentiam, atque in iis, quæ per Concilium Tridentinum, & Sedem Apostolicam circa Monasteria exemptorum delegata auctoritate ipsis Ordinariis commissa sunt, neque nostræ huic Constitutioni contrariantur, quantum in Domino poterunt, manus adjutrices adhibere, nullatenus verò ab iisdem Ordinariis examinandos esse pro prædictarum Monialium Confessionibus audiendis, quemadmodum nec examinari debent, neque examinantur ab ipsis pro Fratrum Ordinis Confessionibus excipiendis, tametsi quandoque contra eosdem prædicta delegata auctoritate procedere possint, ac valeant; multò autem minus Superiores, sive Locales, sive Provinciales, sive etiam Magistrum ipsum Ordinis, qui ex prædicta Apostolica commissione Deo plenam reddituri sunt rationem de sibi subjectis Monialium animabus; ut sic illæso, ac custodito veluti primario Potestatis Spiritualis characterè, quemadmodum aliàs ligare possunt, ac ligant, ita etiam liberè solvere possint, ac valeant sibi subjectarum animarum Conscientias, si ab ipsis quandoque sese sacramentaliter audiri postulaverint, quòd planè aliàs, aut nullo modo, aut ægrè admodum præstare possent; non obstantibus Constitutionibus Gregorii XV. -- *Inscrutabili* - & Clementis X. -- *Superna* - ac Decretis

cretis Congreg: Conc: , aliisque quibuscumque in contrarium facientibus, quibus plenissimè derogamus.

§. 36. Iisdem omnibus, & singulis Superioribus, atque ab ipsis delegatis Fratribus, Prædicationem Verbi Dei pro Monialibus sibi subjectis liberam esse debere, Superioribus quidem prorsus, & omni modo, Delegatis verò Religiosis cum Superiorum eorum missione, & benedictione.

*Facultas prædicandi subjectis sibi Monialibus.*

§. 37. Administrationem temporalem dd. Monialium, non rarò per Seculares deturbatam cum evidenti Monasteriorum detrimento, volumus pertinere ad Superiores Ordinis, prout uberius infra disponetur.

*Administratio temporalis.*

§. 38. Circa accessum etiam extraneorum ad Moniales, & Monasteria sibi subjecta, prædictos Superiores posse, ac debere Jurisdictionem suam secundum Apostolicas Sanctiones tueri; salva in reliquis jurisdictione jure delegato Episcopis competente; quibus tamen auctoritate Apostolica penitus interdicimus, ac prohibemus, ne circa Visitationem Clausuræ ultra facultates à Concilio sibi factas, & concessas, ullatenus sese extendant, neve ejusdem obtentu in iis, quæ Ordinis Superiorum sunt, se intromittant.

*Jurisdictionis Superiorum Ordinis circa Clausuram.*

§. 39. Si verò Moniales ipsæ servare renuant, quæ pro observantia Regulari exactè manutenenda à Su-

*Moniales inobedientes liberè*

dimitti pos-  
sunt.

perioribus Ordinis mandata fuerint, istis plenam inef-  
se facultatem eadem Monasteria liberè dimittendi ex  
Apostol: Lit: ad Vicarium Generalem Lombardiæ --  
*Exponi Nobis* -- Dat: à Leone X. 6. Novemb: an: 1515.  
quas hic pariformiter confirmamus, innovamus, ac ad  
totum Ordinem extendimus.

Moniales,  
et Fratres  
Novitii  
Resunt in  
moriis ar-  
ticulo pro-  
fiteri.

§. 40. Eisdem demum Monialibus, sicuti & Fra-  
tribus Novitiis in articulo mortis ante emissam Pro-  
fessionem constitutis, integrum esse frui, & potiri In-  
dulto S. Pii V. in Constitutione CIX. -- *Summi Sacer-*  
*dotii Cura* -- 23. Augusti 1570.

XVII.  
Commenda-  
tio Doctri-  
nae S. Tho-  
mae.

§. 41. Quum autem filere Nos minimè deceat  
de Doctrina Angelici Doct: S. Thomæ Aquina-  
tis, cui ipsemet Ordo salubriter insistit; ignoramus  
planè quibus illam laudibus pro magnis suis in Eccle-  
siam meritis extollamus. Satius ergo ad absolutum il-  
lius præconium putamus commemorare, ipsam ex Sal-  
vatoris Crucifixi ore, sicuti piè testatur historia, fuis-  
se probatam, & constanti Summorum Pontificum te-  
stimonio Orthodoxis commendatam Populis. Hoc po-  
tissimum suis Constitutionibus, & Literis Apostol:  
præstitere Johannes vulgò XXII. in Constit: XX. , cu-  
jus initium -- *Redemptionem misit* -- 15. Kal: Aug: an:  
Domini 1323. Clemens VI. Constit: -- *In Ordine* --  
VIII. Idus Febr: 1344. Urbanus V. in Diplomatum --

Copi-



*Copiosus, & Laudabilis* -- dat: 10. Kal: Julii, & prid:  
 Kal: Sept: 1368. , S. Pius V. XXXVI. -- *Mirabilis De-*  
*us* -- 3. Idus Apr: 1567. , Sixtus V. LXXVI. -- *Tri-*  
*umphantis* -- prid: Id: Martii 1588. , Clemens VIII. --  
*In quo Nos* -- : & : *Quantum prodesse* -- 22. Nov: 1603. --  
 & : *Sicut Angeli* -- . . Paulus V. -- *Splendidissimi*: 17.  
 Dec: 1607. , & Alexander VII. -- *Literas* -- 7. Aug:  
 1660. , Æquum verò erat, ut Angelica Doctrina tan-  
 ti Doctoris non vulgaribus efferretur encomiis, quæ  
 Solis instar Mundum universum illustrans uberrima  
 Christianæ Ecclesiæ bona peperit, paritque in dies sin-  
 gulos multiplici fructu, Supremo Apostolicæ Sedis  
 Magisterio adversus quoscumque veteres, ac recen-  
 tes errores, quos revincit, fidissimè famulans. Eadem  
 nos quoque diuturnis, atque assiduis ferè experimen-  
 tes probè noscentes per alias peculiare nostras Literas  
 incipien. *Demissas preces* -- dat: 6. Nov: 1724. calu-  
 mñas, ejusdem Angelici Doctoris, & S. Augustini do-  
 ctrinæ temerè irrogatas retudimus, & , prout rei gra-  
 vitas exposcebat, auctoritatis nostræ præsidio elimi-  
 navimus. Luculentius verò æstimationis argumentum  
 in ipsam S. Thomæ doctrinam nunc edituri, quo ma-  
 gis, magisque Prædicatorum Ordo, cæterique Ortho-  
 doxi, ac veri ipsius Sectatores ad illius sinceram, &  
 tutam professionem inflammentur, prædictas omnes,

Contra e-  
jusdem Ca-  
lumniato-  
res defen-  
sio.

& singulas Decessorum nostrorum Constitutiones, Li-  
teras, seu, ut vocant, Brevia, nec non omnia, & sin-  
gula in eis contenta, suprema, qua fungimur, aucto-  
ritate, motu, scientia, & deliberatione præmissis com-  
probamus, & rursus quatenus opus fuerit, cum ipsif-  
met editis nuper à Nobis Literis innovamus. Ut au-  
tem turbulenti, ac pertinaces tranquillitatis Ecclesiæ  
Catholicæ perturbatores desinant Orthodoxam S. Tho-  
mæ Doctrinam calumniari, ac ne deinceps præposte-  
ris, & à veritate alienis interpretationibus Apostolicas  
ipsas Literas nostras, non sine aperta, ut accepimus,  
verbis nostris, ac etiam Decessorum Nostrorum irro-  
gata violentia, tam Prædicatorum Ordinem, quàm a-  
lios veros illius Affeclas, & Sectatores incessere au-  
deant, Constit: XCVIII. , quæ incipit -- *Pastoralis Of-  
ficij* -- fel: rec: Clem: XI. , omnibusque in ea conten-  
tis firmitèr inhærentes, sub divini Interminatione Ju-  
dicii, iterumque sub canonicis pœnis omnibus, & sin-  
gulis Christifidelibus mandamus, ne Doctrinam me-  
morati S. Doctoris, ejusque insignem in Ecclesia Scho-  
lam, præsertim ubi in eadem schola de divina Gratia  
per se, & ab intrinseco efficaci, ac de gratuita Præ-  
destinatione ad Gloriam sine ulla meritorum prævisio-  
ne, agitur, ullatenus dicto, vel scripto contumeliosè  
imperant, ac veluti consentientem eum damnatis ab

Apostolica Sede, & signanter à Constit: LXIV. d. fel: rec: Clem: XI. incipien. - *Vnigenitus* --, Jansenii, Quesnelii, & aliorum erroribus, traducant; à quibus S. Thomas, & vera Schola Thomistica quàm longissimè abest, & abfuit, universis tam antiquis, quàm nunc Christi Ecclesiam vexantibus hæresibus, & perniciosis assertis adversans. Damnamus item Folia, Theses, & Libros antehac Typis impressos, vel etiam, quod Deus avertat, imprimendos; in quibus ad procreandam, seu fovendam doctrinæ S. Thomæ, Prædicatorum Ordini, aliisque genuinæ Thomisticæ Doctrinæ Affectis invidiam, designatæ, atque damnatæ à Nobis calumniæ assertivè renovantur, vel in aliam à germana prædictarum nostrarum Literarum sententia, sive Decessorum nostrorum mente, honorifica, atque faventia Doctrinæ Thomisticæ verba fallacissimè detorquentur. Deum veritatis, & pacis enixè rogantes, ut ad Majora Gloriæ suæ incrementa creditus Nobis Populus non minus tradita à tanto Magistro salutari Doctrina, quàm ipsius innocentium morum, & illustrium virtutum imitatione proficiat.

§. 42. Ne autem Adolescentes Seculares à prælaud: Divini Doctoris Schola deterreri contingat, ex quo nullum in ea præmium, nulla expedita via pateat ipsis per Theologicas disciplinas ad dignitates illas, quæ

XVIII.  
In præcipuis rotius  
Ordinis studiis Sacularibus S.  
Thomæ dis-

folis

*cipulis Lau-  
rea in Sac.  
Theologia  
dari potest.*

folis Lauream, Licentiam, vel Gradum in Theologia consequutis conferri debent, ac possunt; Motu, scientiâ, & potestatis plenitudine, ut suprà, ad universa insigniora Studia, Generalia, Collegia, Studia quoque, ut dicunt, formalia, & ea, quæ ad minus quatuor consistent actualibus, & ex his duobus, ut minimum in Theologia Lectoribus in quibuscumque Provinciis Ordinis prædicti erecta, vel erigenda extendentes concessionem factam à Greg: XIII. Fratribus ejusdem Ordinis Provinciæ S. Antonini de Novo Regno in Civitate S. Fidei, relata, & confirmatam per Paulum V. in suis Literis incipien. -- *Militantis Ecclesiæ* -- prid: non: Sept: 1612., & Innoc: X. in ejus Constit: -- *In supremo* -- 10. Kal: Martii 1644., necnon privilegia omnia, & singula Apostolica in id concessa prædictis Fratribus ad omnia prædicta Studia, Conventus, & Universitates extendimus, & prorogamus, decernentes, ut post emensum certum, nec unquam minus quam duorum annorum, itadium, ad percipiendam Sac: Theologiæ juxta inconcussa, & tutissima S. Thomæ Dogmata intelligentiam accommodatum, à Studi- orum illorum Moderatoribus, sive Lectoribus, numero, & procedendi ratione ipsis per Magistrum Ordinis præscribendis, ac nunc pro tunc à Nobis auctoritate Apostolica, ut prædictum est, confirmatis, post præmis-

præmissas Scholasticas exercitationes publicas, vel pri-  
 vatas juxta Regionum approbatas consuetudines, vel  
 methodum ab eodem Magistro præscribendam, ac præ-  
 misso diligenti examine, Laurea Doctoralis, sive Ma-  
 gistralis, Præsentatura, ac Licentia, sive Gradus Bac-  
 calaureatus, ac alii consueti in S. Theologia ( quos  
 quidem pari Apostolicâ auctoritate Motu, & scientiâ  
 idem valere, ac acceptari ubique debere, perinde ac  
 si conferrentur in Academia Romanæ Sapientiæ, Sal-  
 mantina, aut Parisiensi, vel alia quacumque insigniori,  
 declaramus, decernimus, & volumus ) liberè, ac li-  
 citè conferri possint, ac valeant Scholaribus sæculari-  
 bus, Studentibus in insignibus Civitatibus, aut Locis,  
 in quibus ad eorum Scholam juvenes sæculares acce-  
 dere permittuntur, idque tametsi ibidem aliàs publica  
 pateat Universitas, hoc dumtaxat casu præstitis per-  
 divites, à tali solutione de cætero non exemptos, con-  
 suetis Universitati Juribus; ubi etenim Juvenes per Exa-  
 minatores præfatos, idoneos repertos, Officiales Uni-  
 versitatis ad eosdem Gradus promovere renuerint,  
 poterunt ad gradus prædictos promovere Lectores,  
 & Magistri præfati nostri Ordinis. Illudque quàm ma-  
 ximè concedimus, volumus, decernimus, & manda-  
 mus, pro Locis, in quibus Sæcularibus, Studentibus  
 Doctrinæ D. Thomæ, prout in hujus receptissima

XIX. Schola traditæ, Gradus ultro non pateant.

Magistri  
Ordinis fa-  
cultas con-  
ferendi  
Gradus suis  
Fratribus.

§. 43. Magistro quoque Ordinis pari ratione confirmamus, & innovamus, ac concedimus facultatem eidem à S. Pio V. in Constit: sua - *Quum Sacer Ordo Prædicatorum* - nonis Martii 1572. amplissimè concessam, ut possit ex sibi subjectis Fratribus quemcumque ad Gradus certâ ratione promovere.

Ejusdem, &  
Provincia-  
lium pote-  
stas crean-  
di certos  
Notarios.

§. 44. Eidem similiter, & Provincialibus confirmamus, & concedimus, juxta aliud Indultum S. Pii V. incipiens -- *Debitum Pastoralis* - 21. Martii 1571., ut in unaquaque Provincia deputare possint, ac valeant Fratres Ordinis in Notarios pro executione mandatorum Apostolicorum.

Ejusdem,  
aliorumque  
Superio-  
rum, Pro-  
vinciarum  
quoque, &  
Monasteri-  
orum In-  
dulta con-  
firmantur.

§. 45. Et generaliter quæcumque, & cujuscumque generis gratias, Indulta, Privilegia, præeminentias, facultates, à Sede prædicta Magistro Ordinis attributa etiam ex Ordinis Constitutionibus, & Ordinationibus Comitiorum Generalium, & nominatim habitorum in Alma Urbe anno 1629. Denunc: III., auctoritate Apostolicâ, quæ omnia hîc similiter pro insertis habentes, confirmamus, innovamus, & ut præfertur concedimus, non obstantibus Brevibus Apostolicis Clementis X. -- *Ad Apostolicæ* -- 5. Sept: 1675., & Innocentii XI. - *Quum Nos aliàs* - 6. Octob: 1679., Procuratori etiam Generali, & signanter concessa, &

con-

confirmata ab eodem Urbano VIII. in aliis suis Literis -- *Exponi* -- 3. Dec: 1635. Cùm excommunicatione latae Sententiæ, Magistro Ordinis, aut ejus Vicario Generali reservata, contra Fratres, & absoluteione ab Officiis ipso facto incurrenda contra Prælatos ejusdem Ordinis, qui per se, vel per alium, eodem Procuratore Generali inconsulto, in Romana Curia negotium aliquod tractare ausi fuerint: ac deinde Provincialibus, ac cæteris quibusvis Ordinis prædicti Prælati, & Superioribus. Indulta quoque, & quomodocumque elargita Provinciis, & signanter spectatissimæ Nostræ utriusq; Lombardiæ, ac etiam Monialium Monasteriis, amplissimè confirmamus, innovamus, ac de novo concedimus.

§. 46. Pro Fidelibus utriusque sexûs militantibus sub Tertio Ordine *Pœnitentium S. Dominici* nuncupato, Greg: IX. in Constit: -- *Detestanda* -- 3. Kal: Apr: 1228., Honorius IV. in Bul: -- *Congruum existimantes* -- 5. Kal: Febr: 1286., Johannes vulgò XXII. -- *Quum de Mulieribus* -- Kal: Junii 1326., Bonifacius IX. in Constit: -- *Humilibus, & honestis* -- 15. Kal: Febr: 1401., Innoc: VII. in Bulla confirmationis Regulæ ejusdem Ordinis incipien. -- *Sedis Apostolicæ* -- 6. Kal: Jul: 1405-, Eugenius IV. in consimili Constit: -- *Provisionis nostræ* -- pridie Idus Maii 1439., Sixtus IV.

XX.

*Tertii Ordinis S. Dominici Privilegia innovantur.*

in Constit: -- *Sacrofancta* -- 3. Non. Oct: 1475. , Alexander VI. : *Considerantes* -- 30. Sept: 1495. , Julius II. -- *Considerantes* -- 14. Decembris 1509. : *Exponi Nobis fecisti* - 27. Febr: 1510. , Leo X. -- *Dum intra mentis* -- 19. Decembris 1516. , & -- *Nuper* - 1. Mar: 1518. Paulus III. -- *Exponi Nobis nuper fecistis* - 26 Jul: 1542. , nec non S. Pius, Clemens VIII , Urbanus VIII. , aliique Prædecessores Nostri per suas Literas mox referendas peculiaribus Indultis, & Privilegiis dictum Ordinem approbarunt, & personas, domos, Asceteria, ac bona exemerunt ab Ordinariis Locorum. Et Nos hujusmodi omnes, & singulas Literas, Grati-  
as tam spirituales, quàm temporales, Concession-  
es, Exemptiones, Indulta, ac cætera quæcumque, cujus-  
cumque generis, & nominis, spiritualia, & tempora-  
lia Privilegia plenissimè confirmamus, & innovamus,  
& ubi opus sit de novo concedimus, præcipuè pro  
Christi fidelibus utriusque sexûs, qui collegialiter, aut  
in Clausuris vivunt, aut solum Votum perpetuæ Casti-  
tatis emittunt, nec degunt collegialiter, sed in pro-  
priis domibus, vel cum Affinibus, & Consanguineis,  
dummodo habitum Ordinis gestent, & Altissimo sub  
Regula, & Instituto dicti Tertii Ordinis castè, & pie  
famulatum præstent. Contrariis quibuscumque non  
obstantibus, & præcipuè Concilio Lateranen. ; qui-  
bus



bus omnibus in hac parte Motu, scientiâ, & potestate similibus amplissimè derogamus.

§. 47. Hujusmodi verò Institutum tanquam Sanctum, meritorium, & Christianæ perfectioni conforme, nec non tanquam verum, & proprium Ordinem, præcipuè ex collegialiter, aut cum Claustralibus, aut in Domibus Consanguineorum, sive propriis, sub solo, & simplici Voto inviolabilis Castitatis, cæterisque modo, formâ, habitu, Novitiatu, Professione, ac Regulâ viventibus compositum, & consequenter ab omnibus Confraternitatibus, de quibus agitur in Constitutione sancti me. Clementis Papæ VIII. omnimodè distinctum, sicut sunt cæteri Ordines tum Regulares, tum Militares, & alii hujusmodi, fuisse, & esse decernimus, ac declaramus: Motuque simili Regulam à prædictis Innocencio VII. & Eugenio IV. confirmatam juxta præmissa, & inferius disponenda, denuo approbantes confirmamus, eique Apostolicæ auctoritatis perpetuum firmitatis robur adiicimus.

*Verus Ordo declaratur, & ejus Regula confirmatur.*

§. 48. Omnes insuper Apostolicas Concessionem, quibus asserta fuit Ordini Prædicatorum, ejusque Generali Magistro, Provincialibus, cæterisque aliis substitutis Superioribus, Præeminentia, Auctoritas, & Superioritas super præfati Instituti Fratribus, & Sororibus prædictis quibuscumque, approbamus, confir-

*Auctoritas Magistri Ordinis super Tertiariis utriusque Sexus.*

mamus, ac perpetuæ firmitatis robur obtinere volu-  
 mus, decernimus, atque mandamus, & quatenus opus  
 sit, eandem Præminentiam, Auctoritatem, & Supe-  
 rioritatem de novo concedimus. Attendentes præte-  
 rea per Prædecessores Nostros Innocentium VII. , &  
 Eugenium IV. fuisse approbatam Regulam prædictam,  
 ejusque Caput XX. , atque animadvertentes, primos  
 Alumnos præfati Ordinis Habitum, ac vivendi normam  
 ab ipso B. Dominico suscepisse, ejusque præcepta exe-  
 cutioni mandasse, eidem Generali Magistro privativè  
 quoad alios quoscumque confirmamus, ac si opus est,  
 de novo concedimus, ut possit per se, vel per sibi sub-  
 jectos Fratres quoscumque facultate opportunâ, ac  
 necessariâ instructos, Personas ad dictum Ordinem,  
 juxta ipsius Statuta recipere, Habitum donare, atque  
 elapso debito Probationis tempore ad Professionem  
 recipere, ita ut Personæ quæcumque aliter receptæ,  
 nec sint, nec intelligantur vlllo modo præfati, hujus  
 Tertii Ordinis, neque ullis ejusdem Privilegiis, ac In-  
 dultis potiantur, nisi pro peculiaribus Personis, & ca-  
 sibus per Nos, & Successores Nostros fuerit expres-  
 sè desuper dispensatum. Commissarium quoque, aut  
 Visitatorem instituere; Magistrum quoque, Directo-  
 rem, ac Confessarium ætate, moribus, pietate, scien-  
 tiâ, & prudentiâ gravem concedere, & deputare, qui  
ip[s]is

ipsis Ecclesiastica Sacramenta ministret, de præceptis Regulæ instruat, Congregationes, aut Congressus convocet, & in ipsis, sicut in aliis quibuscumque Actibus, & Functionibus præsideat: Nec non, Locorum Ordinariis, & aliis quibuscumque cujusvis statûs, gradûs, ac conditionis existant, & quâcumque fungantur auctoritate semper exclusis, Congregationes illas, ac Personas Tertii Ordinis, sive Virorum collegialiter, aut in Claustris, sive Mulierum cum expresso Voto, ut supra, vel cum tribus Votis viventium, Domos, Conservatoria, Hospitalia, Monasteria, sive Collegia quæcumque, ac quocumque nomine appellatâ, Capellæ quoque, Oratoria, & Ecclesias pleno Jure visitare, instruere, paternè corrigere, ac reformare, tam in capite, quàm in membris, ad cassationem usque Mantelli, & Habitûs, atque ad ejectionem è Collegio, restituta collatâ dote, prout de jure, immo etiam ad ipsius Collegii suppressionem, vel saltem ab Ordine abdicationem, pro rerum conditione, & statu procedere: aliaque ad bonum Ordinis præfati regimen, juxta ejusdem Statuta, ordinare, & exequi, quemadmodum sibi in Domino expediens fore videbitur, & quoties sibi liberit libros, & rationes reddituum, ac bonorum, sive Congregationum, sive Collegiorum quorumcumque, non secus ac Monasteriorum omnium, ac singulorum,

sibi

*Temporali-  
um bonorum  
administra-  
tio, etiam*

pro Monialibus.

sibi pleno Jure subjectorum, atque ab Exactoribus, Agentibus, & Administratoribus quibuscumque rationem reddituum per eos administratorum recognoscere, examinare, ac exigere possit, & valeat, Motu, scientiâ, & potestate prædictis dantes plenam facultatem Superioribus Ordinis, prædictos Exactores, Agentes, & quosvis Administratores justa de causa removendi, mutandi, ac etiam eorum loco Religiosum quempiam idoneum substituendi.

Tertiario-  
rum obedi-  
entiâ Magistro Ordinis.

§. 49. Ut autem prædicta omnia cum spirituali, ac temporali etiam prædicti Ordinis incremento, ad normam prædictæ Regulæ exactius observentur ab omnibus, ad quos spectat, & pro tempore spectabit, districtè præcipimus omnibus, & singulis Ordinis Professoribus per totum Orbem existentibus, ac exituris, cujuscumque gradûs, ac conditionis existant, & præcipuè quibuscumque, & quocumque nomine nuncupatis, collegialitè, aut in Claustris habitantibus, necnon in privatis Domibus, juxta prædicta, cum Voto viventibus, ut quemadmodum eorum Ordo cum Primo Ordine Fratrum Prædicatorum, & secundo Monialium, eundem habet Patrem, & Patriarcham in cælis feliciter regnantem, adeò ut ab Innocentio VII. in Bulla supradicta omnes appellentur: *Fratres, & Sorores Ordinis Prædicatorum, qui nuncupantur Fratres,*

¶

*Et Sorores de pœnitentia S. Dominici:* ita cum utroque illo Ordine unum, eundemque in Terris Successorem B. Dominici, ac totius Ordinis Prædicatorum Magistrum Generalem, deinde Provinciales, aut alios inferiores, ab eodem Magistro Generali de more delegandos, tanquam eorum veros, & legitimos Superiores suscipiant, venerentur, ac agnoscant. Ad eos dubia quæcumque circa Regulam, & Statuta referant, eorumque iudicio circa eadem dubia sese conforment; maximè quum Regula ad culpam ex se non obliget, sed tantum ad pœnam, ejusque rationabilis relaxatio sit in manu discreti Superioris constituta: iisdemque privativè quoad alios in omnibus concernentibus eorum Ordinem, nec Regulæ, Instituto, ac præceptis præfatis apertè contrariis, pareant, & obediant; quòd si secus fecerint, ab iisdem cassari, Habitu spoliari, atque etiam ex Collegiis modo prædicto, donec resipiscant, vel absolutè quoque dimitti possint; quemadmodum aliàs Regula ipsa *cap. 19.* pro quibusdam casibus disponit: Insuper & Collegia ipsa supprimi, ac dissolvi, sin minus dimitti, ac relinqui ab iisdem possint, & valeant, & respectivè nullis Tertiariorum gratiis, & privilegiis gaudere, decernimus, ac jubemus.

§. 50. Ordinis Magistro pro tempore, sicuti & Ordini ipsi in Generalibus Comitibus quodcumque

*Magistri  
Ordinis  
Curam  
pro  
Tertiariis.*

congregando, quemadmodum injungimus, ut circa felicem statum, ac reformationem, ubi opus esse conspexerint, prædicti Tertii Ordinis, advigilent, ita iisdem relinquimus, confirmamus, & quatenus oporteat, de novo benignè concedimus Jus, & plenam potestatem ad illa circa Regulam prædictam moderanda, reformanda, exponenda, commutanda, ac addenda, quæ pro temporum, locorum, ac personarum opportunitate in Domino judicabunt sic melius disponenda (salvâ tamen ejusdem Regulæ substantiâ, & intactis Sacris Canonibus) nunc pro tunc Apostolicâ auctoritate ejuscemodi moderationes, reformationes, expositiones, ac additiones approbantes, atque confirmantes.

*Motiva declarationum.*

§. 51. Deinde quum nonnulla sint Capita, super quibus potissimè Tertiarias Personas, sive in Domibus prædictis seorsim, sive etiam in Asceteriis collegialiter Virginalem, aut cœlibem, aut castam Viduilem expresso Voto, & sub Habitu, & Regula prædictis vitam traducentes, necnon Fratres Ordinis Prædicatorum circa ipsas vexari, ad Nos delatum est, ideo expressè declaramus, & volumus;

*Exemptio a Jurisdictione Ordinarii.*

§. 52. Quòd tametsi omnes, & singulæ prædictæ personæ summam debeant habere reverentiam Locorum Ordinariis, cæterisque Prælati inferioribus, quemadmodum earum quoque Regula præscribit: Atque juxta

juxta decretum Congregationis Venerabilium Fratrum nostrorum S. R. E. Cardinalium Episc.: & Regul: consultationibus præpositæ editum sub die 20. Decembris 1616. ut ad Habitum, & Ordinem recipiantur Virgines, aut Viduæ in privatis Domibus perpetuò mansuræ, priùs debeant in Curia Ordinarii Locici probare, eas sibi posse de victu, & vestitu sufficienter providere; illasque fore bonis moribus præditas, atque cum nullis aliis viris, quàm cum Consanguineis, aut Affinibus in primo tantùm gradu, vel illis deficientibus, aut urgente gravi aliquâ causâ, cum aliis sibi in proximiori gradu conjunctis, aut saltem cum viris respectæ probitatis, vitam traducturas, eas tamen juxta præmissa Tertiarias effectas à cujuscumque alterius inferioris extra Ordinem Prædicatorum constituti Prælati, & ipsius Ordinarii Loci Jurisdictione exemptas esse volumus, & fore declaramus, districtèque mandamus, eisque de novo talem exemptionem concedimus.

§. 53. Quantum ad ætatem mulierum ad Ordinem prædictum recipiendarum, hæc nostrâ Constitutione perpetuò valiturâ injungimus, & mandamus, quòd nisi in particularibus Asceteriis probata consuetudo vigeat in contrarium, mulieres ad profitendum inter collegialiter perpetuò viventes, non admittantur.

*Ætas recipiendarum ad Habitum, & Professionem.*

tur, nisi de tempore Professionis exceſſerint annum 18. Quo verò ad eas, quæ in Domibus, ut ſuprà, ſe-orſim, cum certis Caſtita-tis perpetuæ Voto, Habitu, & Statutis, ſunt vitam traducturæ; qvum ſecundùm Sanctas Scripturas bonum ſit portanti jugum ab adoleſcentia ſua; & Ordo prædictus ex Regula ſua vigi-liaſ, jejunia, plureſque abſtinentiaſ habeat jugiter perferendaſ; Virginum quoque Sponſo placeat ſibi ci-to promiſſa virginitaſ; Plurimæque inſigneſ Virgineſ prædicti Ordiniſ *de pœnitentia* non ſolùm à teneriſ an-niſ inviolabili Voto virginitatem eidem Cœleſti Sponſo conſecraverint, Habitumque induerint, ſed floren-ti adhuc ætate, ſimulque ante annum quadrageſimum virtutibuſ maturæ in Cælum evolaverint, quarum ag-men ducere poteſt cœleſtiſ virgo S. Catharina Senen-ſiſ, de Apoſtolica Sede adeò benemerita; Motu hinc, ſcientiâ, & poteſtate prædictiſ indulgemuſ, & con-cedimur, ut eadem, quibuſcumque non obſtantibuſ in contrarium, poſt decimum octavum annum, vel e-tiam in minori ætate juxta conſuetudinem locorum, liberè, & licitè recipi, evolutoque probationiſ tempo-re profiteri poſſint, ac valeant: Revalidanteſ quaſ-cumque Acceptationeſ & Profeſſioneſ, ſi quæ fortè ex defectu ætatiſ haectenuſ factæ dici poſſent invalidæ.

*Habituſ  
earundem.*

S. 54. Habitùſ uniformitatem, quoad fieri pote-rit,



rit, esse servandam; retineri tamen posse Habitûs formam, quæ pro regionum diversitate hætenus ab eisdem Tertiariis servata est. Licere quoque Mulieribus, quæ emisso voto seorsim, vel collegialiter Deo vivunt, deferre velum supra caput, quod *Suprajectum* vocant, carbasum pectorale, quod nuncupant *Sottogola*, & Scapulare seu *Patientiam*.

S. 55. Tertiariis prædictis emisso solo Castitatis Voto collegialiter viventibus hæud prohibemus, immo exoptamus in Domino suaderi trium Votorum etiam solemnium emissionem, ipsamque Clausuram, juxta propositum Constitut: VIII. S. Pii V. incipien. -- *Circa Pastoralis* --; inhærentes tamen Literis Apostolicis superiùs memoratis Julii II, in quibus Tertiariis S. Dominici collegialiter viventibus permittitur emitte-  
 re tria Vota, declaraturque per hæc ipsa -- *ad Clausuram minimè teneri, aut ad Officium Divinum magis, quàm ex Regula Tertii Habitûs* - ac aliis Clementis IX. -- *Aliàs propositis* -- 10. Decembris 1667. , in quibus Tertiariæ collegialiter viventes, ad elausuram nullatenus compelluntur; Attendentes insuper per annos, ut accepimus, centum & sexaginta ab edita dicta Constitutione Sancti Pii V. , & per sæculum, & ultra post Decretum Congreg: Episcoporum, & Regul: emanatum 20. Decembris 1616. , ejuscemodi Tertia-

*Collegialiter viventibus non tenentur ad Clausuram, neque ad tria Vota.*



chialium Ecclesiarum Personarum earundem Rectorum  
 licentiâ desuper minimè requisitâ, & contradictione qua-  
 libet non obstante. Ne tamen desuper Tertiarias, & re-  
 spectivè Fratres Ordinis Prædicatorum indebitè mole-  
 stari contingat, expressè declaramus, & volumus, Ter-  
 tarias prædictas de Pœnitentia S. Dominici, sive col-  
 legialiter, sive separatim in Domibus, ut prædictum  
 est, viventes cum expresso Voto, à solis Fratribus præ-  
 dicti Ordinis Prædicatorum, contradictione qualibet,  
 & quacumque consuetudine etiam immemorabili in  
 contrarium non obstantibus, etiam in die S. Paschæ,  
 & in casu habitualis infirmitatis, etiam pro effectu sa-  
 tisfaciendi præcepto de Communione Paschali, & in  
 casu mortalis infirmitatis, sive in mortis articulo, Sa-  
 cram Eucharistiam, Extremam insuper Unctionem ab-  
 solutè recipere posse, & debere; Earundemque post  
 mortem Cadavera ( nisi forsan collegialiter viventes  
 habeant, aut sint aliquando legitimè habituræ in ea-  
 rum Ecclesia, Oratorio, aut Collegio sepulchrum pro-  
 prium, quo casu per solos Fratres Ordinis sint ibidem  
 sepelienda ) ad Fratrum Ecclesiam tumulanda defer-  
 ri posse, ac debere, & quidem absque interventu, li-  
 centia, & requisitione Parochi, nullâque eidem solu-  
 tâ quartâ; Et sicuti volumus, quòd tam Fratres, quàm  
 Tertiarii extra Conventus, & respectivè Collegia, &

*Regula pro  
 Fratribus,  
 & Tertiari-  
 is extra*

Domos

*Claustra, & Domos de- cedentibus-* Domos obeuntes, debeant Sacramentari, & respecti- vè tumulari per Fratres, & in Ecclesiis illorum, ita disponimus, & mandamus quoad Tertiarias prædictas.

*Fratres ad personas Tertiarias etiam Eucharistiam, & earum Cadavera ad Ecclesi- am Ordinis deferre li- berè de- bent.*

§. 57. Præterea declaramus, & volumus, quòd Fratres ad ministranda Sacramenta dd. Tertiariis utri- usque sexûs possint, & debeant, ingrediendo limites cujuscumque Parochiæ cum Cruce erecta, & proces- sionaliter condignè afferre Venerabile Eucharistiæ Sacramentum, tam in casu gravis, & mortalis infirmi- tatis per modum Viatici, quàm in casu talis infirmita- tis, quæ impediât accessum ad Ecclesiam dictorum Fratrum, pro satisfactione præcepti Paschalis, ac e- tiam titulo devotionis circa consuetas majores Eccle- siæ solemnitates, & similiter Defunctorum Cadavera ad propriam Ecclesiam asportare, etiam invito, & re- luctante Parocho, cui tantùm licitum sit ministrare Sacramentum in casu repentinæ infirmitatis, quæ spa- tium non permittat vocandi Fratres prædictos.

XXI.  
*Adversus Fratres recurren- tes ad ex- traneos.*

§. 58. Ut porro quantum in Domino possumus consulamus indemnitati obedientiæ, Superioribus præ- dictis ab eorum respectivè Religiosis debitæ, & ut sim- pliciori viâ nitantur omnes in semel Deo promissam Regularem observantiam, Motu, scientiâ, & potesta- te sæpeditis, in primis quoad omnia, & singula in eis contenta confirmamus, & innovamus, Constitutiones

emana-

emanatas adversus Fratres Ordinis recurrentes pro  
 extorquendis favoribus ad personas extraneas, nimi-  
 rum Gregorii XIII. incipien. -- *Quum nihil magis* --  
 5. Junii 1580. Clementis VIII. -- *Religiosos Viros* -- 23.  
 Maji 1592. , & Pauli V. -- *Admonemur* -- 7. Januarii  
 1608.

§. 59. Deindeque pro tuenda Regulari Disciplina confirmamus, & innovamus Constitut: IV. Bonifacii VIII. -- *Ad augmentum* -- 6. Id: Maji 1296. , in corrigendis etenim, & puniendis excessibus Subditorum volumus, peragendum, *postpositis rimulis, & apicibus Iuris, secundum consuetudines, & Statuta Ordinis, etiam facienda.*

*Sola Leges Ordinis servanda in correctionibus.*

§. 60. Ad tollendas verò appellationes quascumque indebitas, ac totam fermè œconomiam Regularis observantiæ enervantes, ac evertentes, nisi retineatur, & servetur ordinata Appellatio à Superiori Locali ad Provincialem, ab eoque ad Generalem, exindeque si fieri possit, ad Capitulum Generale, ac denique ad Sedem Apostolicam, juxta Decreta de mandato Sixti V. edita in Congregatione Episcoporum, & Regularium anno 1587. , confirmamus, & innovamus similiter quæcumque hætenus circa Appellationes emanârunt ab Apostolica Sede, & præcipuè Constitutiones pro eodem Ordine Bonifacii VIII. in præcitatis Lite-

*Appellationes inordinatæ prohibentur.*

ris incipien. -- *Ad augmentum* -- Bonifacii IX. -- *Sacra Religionis* -- 5. Kal: Maji 1402. , Julii II. -- *Exposuisti Nobis* - 24. Novembris 1511. , ac Leonis X. -- *Romani Pontificis* -- 29. Aprilis 1518. , & quidem quoad omnia, & singula in eis contenta, etiam quoad Censuras latæ Sententiæ, & pœnas, etiam contra quoscumque Judices Ecclesiasticos, & Sæculares de hujusmodi appellationibus cognoscere volentes, contra ordinem contentum, & rationem præscriptam in prædictis Literis Apostolicis.

*Ministri S.  
Sedis irregulares ad  
se recur-  
sus, & ap-  
pellationes  
FF. rejice-  
re debent.*

§. 61. Immo quum etiam Nobis certò constet, Superiorum præfatorum auctoritatem eludi, & contemni, si circa concernentia statum ipsum Regularem, quæ totaliter remissa sunt, & esse debent ipsorum religioni, & judicio, cujusmodi sunt Fratrum Assignationes, Remotiones, Dispensationes, Lectionum, & aliorum munerum collationes, ac cætera quæcumque per Constitutiones Apostolicas, & dicti Ordinis relicta arbitrio, & prudentiæ eorundem Prælatorum, pateat recursus ad Apostolicos Nuncios Nostros, Vicelegatos, ac cæteros Sedis prædictæ, ac Nostræ Ministros, istis omnibus, & singulis Auctoritate Apostolicâ mandamus, & præcipimus, ne in iisdem sese ulla-  
nus in posterum intromittant, atque in illis ipsis, quæ per viam appellationis ex Apostolico aliquo speciali

Indul.

Indulto eisdem posse recognoscere aliàs certò constaret, non aliter id facere posse, ac debere declaramus, & volumus, quàm præmissâ per Fratres illos graduâli appellatione per præsentés has nostras Literas perpetuò constitutâ; Vehementer in Domino hortantes, atque excitantes quascumque Venerabilium Fratrum Nostrorum S. R. E. Cardinalium Congregationes, ut severiùs desuper animadvertant contra Fratres quoslibet Nostrî hujusce Ordinis, ad retinendam Regularem observantiam, in hoc ipso deficientes.

§. 62. Attendentes deinde quæ sanxerunt Prædecessores Nostrî Gregorius IX. , & Innocentius IV. in eorum Constitutionibus ambabus incipientibus -- *Quia confusio habitûs* -- 8. Kal: Novembris 1239. , 8. Kal: Aprilis 1244. , & Gregorius XI. -- *Virtute conspicuos* -- 2. Non: Martii 1374. Clemens VIII. in Constit: CIV. - *Ex injuncto Nobis* -- 2. Octobris 1603. , ac novissimè Alexander VII. in Constitutione -- *Ex injuncto Nobis* -- 8. Februarii 1666. , illa omnia auctoritate, motu, & scientiâ prædictis confirmantes, ac innovantes, similiter districtè mandamus Fratribus Trinitariis, & aliis quibuscumque, ne ullus eorum audeat posthac Habitum Fratrum Ordinis Prædicatorum, vel ipsi adeò similem deferre, ut Frater ejusdem Ordinis Prædicatorum credi faciliè possit, exceptis tamen Ere-

XXII.  
Habitus Ordinis quibus, & quomodo permissus.

mitanis S. P. Augustini, quibus in certis circumstantiis aliàs à Sede Apostolica Habitus albus ejusdem Ordinis permissus est; ab his tamen Habitum illum non aliter deferri volumus, decernimus, & mandamus, quàm secundùm prædictam Clementis VIII. Constitutionem, hâc nostrâ inviolabili lege, propter motiva jam dudum relata per Alexandrum IV. in ejus Constitutione -- *Meminimus Nos* -- Idibus Octobris 1259. , districtissimèque ipsis Eremitanis prohibemus, ne extra Claustra propria audeant ullatenus cum solo Habitu albo prædicto procedere, amplissimè derogantes cuicumque consuetudini etiam immemorabili in contrarium, & dantes plenam facultatem Locorum Ordinariis, ipsisque injungentes, quatenus auctoritate dictæ Sedis, ad instantiam præcipuè Fratrum Prædicatorum, contra eos, quos defecisse compererint, procedere possint, ac debeant.

*Habitus albus permissus extra Claustra FF. Prædicatoribus juxta eorum Constitutiones.*

§. 63. Concedimus tamen Fratribus ipsis Prædicatoribus, ut in itinere, vel divertentes ad moenia Urbium, ad Campos, & similia Loca, ad quæ ex vi antiquarum quoque eorum Constitutionum, secundùm quas Nos quoque vivere professi sumus, nullatenus cum Cappa nigra sese conferre tenentur, cum solo Habitu albo, quem nemo ignorat esse eorum distinctivum, non obstante quoad id præcitata Constitutio-



ne Clementis VIII. , accedere, ac procedere liberè,  
& licitè possint, & valeant.

§. 64. Considerantes quoque antiquitatem non  
minùs, quàm excelsa merita hujus Ordinis, quibus per-  
spectis Leo X. in Const: -- *Accepimus nuper* -- 3. Julii  
1518. , & S. Pius V. in Constit: LXXI. -- *Divinâ dispo-*  
*nente* -- 27. Augusti 1568. , & Clemens VIII. in Con-  
stitutione XIII. -- *Inter cætera* -- 25. Septembris 1592.  
Fratribus Ordinis jure merito adjudicârunt Præce-  
dentiam supra cæteros Mendicantium, aliorumque  
Ordines, ita ut primi, & immediati post antiquos Or-  
dines Monachales locum in omnibus primum, hono-  
rabiliorum, & digniorum obtinere debeant, prout pa-  
cificè in Conciliis generalibus, ac etiam Lateranensi-  
bus inconcussè obtinuère: prædictas Constitutiones  
omnes motu, scientiâ, & potestate supradictis confir-  
mantes, & innovantes, & quatenus opus sit omnia in  
eis contenta de novo mandantes, & concedentes, de-  
claramus, atque decernimus, earundem Constitutio-  
num tenorem perpetuò ubilibet, & in quacumque  
Mundi parte omnino servandum esse, eisdem Fratri-  
bus Ordinis Prædicatorum à die publicationis præsen-  
tium, priori, digniori, & honorabiliori loco post Or-  
dines Monachales prædictos in omnibus, & singulis  
Processionibus, Actibus, & Functionibus, assignato,

XXIII.  
Præceden-  
tia immedi-  
ata post Or-  
dines Mo-  
nachales.

& constituto: plenissimè derogantes quibuscumque conventionibus, consuetudinibus etiam immemorabilibus, Literis, Sententiis, ac Decretis ab Apostolica Sede editis, vel specificè etiam confirmatis in contrarium quomodocumque facientibus.

**XXIV.**

*Exemptio a quibusvis oneribus, cum assignatione Congruæ in impositis, pro urgentissima causa.*

§. 65. Ut deinceps Fratres hujus Ordinis congruè sustentari valeant, nec tractu temporis Conventus propter inopiam necessario Fratrum numero carere cogantur, Exemptiones omnes à quibuscumque Decimis, Datis, Collectis, Gabellis, impositionibus, vectigalibus, oneribus hospitandi milites, aliisque cunctis quocumque nomine nuncupatis, & ex quacumque gravi, & gravissima causa impositis, prædicto Ordini concessas per S. Pium V. in Constitutione -- *Dum ad uberes* -- 29. Julii 1566. -- *Etsi Mendicantium Ordines* -- 17. Kal: Julii 1567. -- *Ad hoc Nos Deus* -- 23. Septembris 1571. -- *Romanus Pontifex* -- 3. Octobris 1567. , & -- *Injunctum Nobis* -- prid: non: Augusti 1569. Et per Nos etiam in Literis incipien. -- *Sollicitudo* -- editis 4. Id: Decem: 1725. , amplissimè confirmamus, & innovamus; ac præterea volumus, & mandamus, quòd tam pro præteritis, quàm pro futuris impositionibus ex urgentissima dumtaxat causa Belli contra Turcas, teneri possint, aut debeant Fratres, Conventus, eorumque bona, facta tamen prius deductione Congruæ

gruæ

gruæ pro unoquoque Religioso ad rationem scilicet septem ducatorum auri de Camera, & nonnisi de residuo fructuum bonorum, demptis, & exceptis prædictis Congruis, volumus taxari posse in prædicto extremo casu. Non tamen per id intelligimus derogare Indultis nostrorum Prædecessorum pro particularibus Conventibus, si quæ sunt, decernentibus, esse præservandam à qualibet impositione amplioem, seu pinguiorem Congruam, quinimmo ea confirmamus, ac innovamus.

§. 66. Porro ne ex quo per nostram Constitutionem incipientem -- *Credita* -- & decreta novissimi Concilii Romani, in quibus cautum legitur à Taxa Seminarii, *exemptos esse debere Regulares pro iis tantum Beneficiis, & fructibus, quorum ratione ipsis Apostolica Sedes ex causa verè, & propriè onerosa indulgit, ut ab onere Taxæ exempti sint*, ullo unquam tempore in discrimen revocari queat amplissima exemptio ab hujusmodi taxa, quàm prædicto Ordini impartitus fuit S. Pius V. in sua Constitutione -- *Romanus Pontifex* --, ac in alia -- *Etsi Mendicantium* -- hanc ipsam exemptionem, easdemque, ac alias quascumque per Prædecessores nostros desuper editas Constitutiones, & declarationes expressè confirmamus, & innovamus. cum etiam memoratus Ordo varios Magistros, & Doctores

XXV.  
Exemptio à  
Taxa Se-  
minarii.

præ.

præstet, ac alere, & sustentare teneatur, ex quorum  
*Doctrina Fratres Novitii, eruditi postmodum effecti*  
*gregem Dominicum suis consiliis, confessionibus, oratio-*  
*nibus, aliisque innumeris pietatis operibus juvent, &*  
*pascent, ejusdemque Ordinis domus non minùs, immo*  
*magis, quàm ea, quæ per Ordinarios erecta sunt, Semina-*  
*ria vocari possunt, æquissimum videtur, Conventus di-*  
 cti Ordinis nullo modo præterea taxari posse pro Se-  
 minariis ab Ordinariis erectis, vel erigendis, prout hâc  
 nostrâ perpetuò valiturâ Constitutione declaramus,  
 decernimus, & mandamus, etiam Concilii Romani De-  
 cretis, & quibuscumque aliis in contrarium quomo-  
 dolibet facientibus quàm plenissimè derogantes.

XXVI.  
 Declaratio  
 circa Quar-  
 tam Func-  
 ralem pro  
 Italia.

§. 67. Per nostram Constitutionem -- *Romanus*  
*Pontifex* -- ac etiam decreta novissimi Romani Conci-  
 lii, injunximus, Parochis solvendam esse Quartam fu-  
 neralem, in Italia nimirum, & Insulis adjacentibus, ab  
 omnibus, & quibuscumque Regularibus quocumque  
 privilegio suffultis, & Regulares Ordinis S. Dominici  
 utriusque sexûs in eisdem Italia, & adjacentibus Insu-  
 lis reverenter pro consuetâ ipsorum erga Apostolicam  
 Sedem obedientia Dispositioni nostræ, ut debent, ob-  
 sequuntur, prout etiam volumus, & mandamus inpo-  
 sterum servari, ita quidem, ut Regulares prædicti ei  
 tantummodo, ad cujus Parochiam spectabit Defun-  
 ctus,

Etus, realiter, cum effectu, & sine ulla prorsus controverfia tradere teneantur unam ex quatuor partibus (quàm proprio nomine *Quartam* appellavimus) omnium Intorticiorum, & Candelarum, quibus Defuncti cadaver in itinere ad eorum Ecclesiam tumulandum associabitur, nec non omnium Intorticiorum, & Candelarum, quæ in eadem Ecclesia circa Cadaver, seu Pheretrum, ac etiam in Altaribus in die funeris accendentur, retentis tamen sibi Candelis manualiter per viam delatis, unâ cum omnibus Intorticiis, Candelis, aliisque, de quibus in ea Constitutione mentio expressa facta non fuit; quæ Regularibus prorsus illæsa, & inviolata perpetuò manere voluimus, decrevimus, ac mandavimus. Ubi verò adsint Consuetudines legitimè probatæ, Conventions, Concordiæ, vel Statuta, quæ Parocho portionem quartâ prædictâ pinguiorem assignent, hanc eandem, prout ante Nostram prædictam Constitutionem, ac etiam Concilium Romanum, dare pergant, & teneantur. Quum verò mentis, & intentionis nostræ in ea edenda Constitutione fuerit, consulere quidem Parochorum indemnitati, ad hoc nimirum, ut ii, qui nihil, vel quartâ minus percipiebant, eandem quartam consequi possent, & non autem, ut qui majus emolumentum, seu plus quartâ prædictâ ex consuetudine, Conventions, Concordia, vel Statuto reportabant,

tabant, aliquid aliud præterea vigore dictæ nostræ Constitutionis, aut etiam Concilii Romani sibi arrogare possent, volumus propterea, ut iidem Parochi, vel præcisè perciperent statutam à Nobis quartam partem, vel tantummodo starent Consuetudini, Conventioni, Concordiæ, sive Statuto, ut prædictum est. Ne autem super huiusmodi clara cæteroquin intelligentia Nostræ Constitutionis, & Concilii Romani, ullo unquam tempore excitari valeat aliqua difficultas, expressè ita declaramus dictam nostram Constitutionem, & decreta Concilii Romani, simulque Motu, scientiâ, & potestate prædictis volumus, præcipimus, & mandamus, ut iidem Fratres Parocho relinquunt optionem, vel eligendi Quartam Partem prædictam, vel standi Consuetudini, Statuto, Concordiæ, seu conventioni, eamque pacificè sequantur, ut suæ ipsorum quieti religiosè juxta eandem Mentem nostram consulant; Parochi verò semel factam optionem immutare nullatenus possint, aut valeant.

XXVII.  
*Privilegia  
 circa Sepul-  
 cram Ex-  
 traneorum.*

§. 68. Ea itidem Privilegia Fratribus Ordinis Prædicatorum Indulta per Sacros Canones, & Apostolicas Constitutiones, ut possint Cadavera Laicorum, & extraneorum quorumcumque in suis Ecclesiis liberè tumulare, uberrimè confirmamus, & innovamus: utque, quantum in Domino possumus, occurramus con-

tinuis

t inuis molestiis, quas, propter aliquorum sinistras interpretationes, pati coguntur Fratres prædicti cum maximo Christi fidelium scandalo, & pietatis simulque Divini Cultûs detrimento, perpetuò volumus, & sancimus, in primis Fratrum prædictorum omnium, eisque inservientium, necnon quarumcumque personarum Tertii Ordinis, etiam extra Claustra, Domos, Hospitia, & Asceteria obeuntium, Laicorum quoque extraneorum per accidens degentium, & decedentium in Conventibus, Hospitiis, Domibus, & Asceteriis prædictis, Cadavera tumulanda esse in dictis Ecclesiis Ordinis, Diœcesani Loci, aut alterius cujuscumque licentiâ minimè desuper requisitâ.

*Dispositio pro Cada- veribus Fratrum, aliorumque, de quibus supra.*

§. 69. Liberam prorsus præterea fore cuique Fidelium, sive pro seipso, sive pro suis filiis, & filiabus, nepotibus, & neptibus in puerili vel infantili ætate decedentibus electionem Sepulturæ in Ecclesiis, & Cœmeteriis præfati Ordinis. De hac verò electione satis constare, ubi in Ecclesia Ordinis gentilitium obeuntis, nullâ in contrarium factâ dispositione, sepulcrum præexistat; rursus ex Testamento, Codicillis, vel alia morientis simplici etiâ scripturâ, itè ex dicto aut Confessarii, aut duorû testiû, etiâ extrajudicialiter deponentiû de illius voluntate. Quòd si Parochus velit illos judicialiter repetere, suis sumptibus id facere teneatur.

*Libera extraneis electione Sepultura apud Fratres. Et quomodo de ea constet.*

*Mandatur,  
ne Parochi  
etiam indi-  
rectè eam  
libertatem  
impediant.*

§. 70. Caveantque Parochi, ne quòd directè ne-  
queunt, indirectè nitantur huic libertati præjudicium,  
& noxam inferre, sub prætextu ad ipsos pertinere nu-  
merum determinare Fratrum associare debentium, at-  
que illum limitare ad metam Clericorum sæcularium:  
aliove deteriori, Parochianos, nimirum, eligentes ali-  
bi quàm in Ecclesia Parochiali Sepulturam, teneri ad  
eleemosynam majorem, gravioraque emolumenta fa-  
vore Parochi, etiam sub emendicato titulo coarctivæ  
celebrationis Missarum, & Anniversariorum, vel sub  
obtentu cadaveris in Cathedrali, vel Parochiali Eccle-  
siis, prius exponendi, & respectivè ratione transitus  
per limites aliarum Parochiarum, persolvenda esse simi-  
lia emolumenta. Has enim abusivas adinventiones era-  
dicare intendimus, & exterminare, prout abolemus, &  
improbamus, Statutis, Conventionibus, & Consuetu-  
dinibus etiam immemorabilibus in contrarium vigenti-  
bus minimè attentis, quibus expressè derogamus. Vo-  
lentes, numerum Fratrum associare debentium fore  
liberè determinandum per hæredes defuncti, nullo ha-  
bito respectu ad numerum Clericorum sæcularium.

*Soli Paro-  
cho præ-  
mortui sol-  
venda emo-  
lumenta.*

§. 71. Per Cathedrales verò Ecclesias, Parochia-  
les, seu per Parochos Defunctorum, aut per quorum  
Parochias transeunt cadavera, nullatenus cogi posse  
Fratres Ordinis, seu Defunctorum hæredes ad expo-  
nendum



nendum Ca davera, vel aliquid aliud solvendum ex causa transitus; ita ut in posterum soli Parochi morientium, iisque emolumentis dumtaxat potiantur, & gaudeant, quibus de jure potiuntur, & gaudent, firmam omnimodè manente, ac plenissimè morientibus observatam, sibi eligendi sepulturam, libertate.

§. 72. Parocho admonito, requisito, & intimato per Fratres, ac demum renuente accedere ad associandum Cadaver in Ecclesiam Fratrum praedictorum, vel eodem ultra statutam pro delatione Cadaveris horam per discretum tempus, quod nunquam unam horam excedere possit, expectato, nec accedente, Fratres praedictos Cadaver illud, invito etiam ipso Parocho, levare, & ad eandem Ecclesiam tumulandum, ne Dei servitium minuatur, & ipsi contemnantur, recto quidem tramite, & via per eos eligenda deferre posse, ac debere volumus, atque sancimus.

§. 73. Et ad tollendum deinceps, quantum in Domino possumus, Fidelium scandalum, nimis frequentium controversiarum originem, hanc perpetuo valitura lege decernimus, licere Cathedrali Capitulo, Parocho, Fratribus Ordinis Praedicatorum, ac caeteris etiam Regularium Communitatibus ad Processiones Funebres per quasvis Parochias, singulorum propriis erectis Crucibus, accedere, easque etiam sic peragere, quemad-

*Parocho intimato, nec accedente, FF. debent Cadaver per viam sibi benivolam relictam deferre.*

*Regula pro Crucis erectione, delatione Stola, & ingressu in Ecclesias in Processionibus funebribus.*

modum in aliis solemnioribus Processionibus contingit, & ita etiam in Ecclesiam tumultantē ipsorū Fratrum, ordine, quo in via incedebant, ingredi, atque facta adoratione ad Altare, in quo asservatur Sanctissimum Sacramentum, aut etiam exequiis persolutis recedere: Parocho quoque in eandem Ecclesiam tumultantem cum Stola intrare; ac respectivè Fratribus associare debentibus Defuncti cadaver cum Parocho, ne interim contingat illos in vicis, & plateis superfedere, in Parochialem Ecclesiam etiam cum Cruce erecta ingredi licitum fore, auctoritate Apostolicâ, Motu, & scientiâ prædictis, mandamus, & volumus. Non obstantibus, quoad prædicta omnia, & singula, consuetudinibus etiam immemorabilibus, cæterisque omnibus, & quibuscumque in contrariū facientibus, quibus omnibus expressè, ac plenissimè derogamus; Declarantes, & , quatenus opus sit, decernentes, ac maturâ deliberatione mandantes, Crucis erectiones, Stolæ delationem, & ingressus in Ecclesias in omnibus, & singulis enumeratis, ac cæteris quibuscumque similibus casibus, nullam penitus Jurisdictionem importare, aut minimum in aliquo præjudiciū cuicumque irrogare, aut quandocumque, & quomocumque irrogare, & inferre posse.

*Qua sint  
prohibita,*

§. 74. Postremò prohibemus, posse per Parochos  
invitis

invitis Fratribus in istorum Ecclesiis, aut Cœmeteriis  
 Cadavera sepeliri, & respectivè Missas celebrari, ac  
 Exequias quascumque persolvi. Ubi verò accedit pa-  
 cifica consuetudo, seu legitima conventio, aut expres-  
 sa Fratrum voluntas, permittimus, quòd Parochus cum  
 Clericis sæcularibus in Ecclesiis Ordinis Exequias pe-  
 ragat, absque ullo tamen præjudicio Fratrum, quorum  
 omnimoda de cætero jurisdictio in propriis Ecclesiis  
 salva, & illæsa remaneat, eique nullum imaginabile  
 præjudicium per hujusmodi particulares, & Fratrum  
 voluntarios actus irrogatum ullo tempore censeatur.

*Et quomodo  
 permittitur Pa-  
 rocho cele-  
 bratio Exe-  
 quiarum in  
 Ecclesiis  
 Ordinis.*

§. 75. Ulteriùs circa exemptionē à Canonica Por-  
 tione, sive à Decimis quibuscumque Ecclesiasticis, si-  
 ve Canonicis, Parochialibus, Episcopalibus, ac etiam  
 Papalibus, tam Personalibus, quàm Realibus, non so-  
 lùm de Novalibus, Hortis, animalium Nutrimentis,  
 Virgultis, Bonisque propria manu excultis, sed etiam  
 quoad omnia omnino bona, quandocumque, & quo-  
 modocumque acquirenda, etiam per alienas manus ex-  
 colenda, immo etiam quoad ipsos Colonos, Arrenda-  
 tarios, & similes quoscumque, qui Fratrum prædicto-  
 rum, ac Sororum, indigentis de prædictis eorum bo-  
 nis hâc via subvenire teneantur, expressè, ac specificè  
 confirmamus Privilegia ipsis sive directè cum necessa-  
 riis, & opportunis derogationibus, & respectivè etiam

*XXVIII.  
 Exemptio à  
 Decimis Ca-  
 nonicis.*

Conc:

Conc: Lateran: seu *cap: Nuper de Decim.*, ut in Con-  
 stitutionibus Honorii III. - *Religiosam Vitam* -- 11.  
 Kal: Januarii 1216., Innocentii IV. - *Qui Deum tota* --  
 3. Nonas Februarii 1244., Alexandri IV. - *De pia,*  
*& sancta* -- 15. Kal: Februarii 1257., Bonifacii VIII. --  
*Laudabilis* -- 15 Kal: Augusti 1297., Benedicti XI. --  
*Sacra vestra Religio* -- 3. Kalend: Martii 1304., Gro-  
 gorii XI. - *Virtute conspicuos* -- 2. Non: Martii 1374.,  
 Bonifacii IX. - *Etsi pro cunctorum* -- 5. Kal: Maji 1401.,  
 Martini V. - *Ad Summi* -- Kal: Maji 1420., Eugenii  
 IV. - *Ad statum* -- 3. Idus Aprilis 1440., Nicolai V. --  
*Licet ex debito* -- Prid: Non: Decembris 1448., & --  
*Licet ea* -- 8. Idus Augusti 1451., Sixti IV. - *In Ma-*  
*ri Magno Predicatorum* -- & S. Pii V. *Etsi Mendican-*  
*tium* -- & -- *Ad hoc Nos Deus* -- & -- *Injunctum nobis* --  
 Pauli IV. - *Ex Apostolica Sedis* -- Clementis VIII. --  
*Injuncti* -- & -- *Exposcit* -- 25. Martii 1592., & -- *Pa-*  
*storalis officii* -- 21. Julii 1595., & Urbani itidem VIII. --  
*In plenitudinem* -- Sive indirectè, & virtualiter ipsis de-  
 super concessa, nimirum, per amplissimas communica-  
 tiones Privilegiorum, & præcipuè indultorum Car-  
 tusianis, Cisterciensibus, & Societati JESU, quemad-  
 modum liquet ex præcitatæ Constitutionibus Ne ta-  
 men ullo unquam tempore de hujusmodi plenaria ex-  
 emptione dubitari queat, præterea Motu proprio, &  
 aucto-

auctoritatis plenitudine, contrariis quibuscumque non obstantibus, Ordini Prædicatorum utriusque sexûs, & ab eo dependentibus, eorumque prædictis bonis quibuscumque, dictam exemptionem ex integro, & denudò cum expressa, & individuali derogatione dicti cap: *Nuper de Decim:*, amplissimè concedimus, & elargimur.

§. 76. Itidem quoad privilegia Mendicantium Ordini Prædicatorum concessa, prævia derogatione Constitutioni à Gregorio XIII. -- *In tanta* -- editæ prima Martii 1573., innovamus Constitutiones S. Pii V. -- *Etsi Mendicantium* -- & -- *Ad hoc nos Deus* -- & quatenus opus sit in his contenta de novo disponimus, & respectivè concedimus, atque perpetuò observanda esse decernimus, & mandamus, dummodo Decretis Concilii Tridentini, & dispositis in hâc nostra peculiari Constitutione non sint contraria, ut etiam demandârunt Clemens VIII. in Constitutione -- *Injuncti* -- 5. Octobris 1604., & Urbanus VIII. in Constitutione -- *In plenitudinem* -- 13. Maji 1625. Declarantes, quòd hæc restrictio contenta etiam in mox dictis Literis Clementis, & Urbani haud tollit decreta Concilii Tridentini juxta interpretationem ipsis attributam in præcitatis Literis S. Pii V.

XXIX.  
*Confirmantur ampliores concessiones S. Pii V., & res ad terminos Concil. Tridentini: (juxta illius interpretationem) & hujus Constitutionis.*

**XXX.**  
*Confirma-  
 tio genera-  
 lis aliorum  
 Privilegi-  
 orum.*

*Extensio  
 Privilegio-  
 rum intra  
 Ordinem.*

*Communi-  
 catio in Pri-  
 vilegiis cum  
 aliis.*

**§. 77.** Inhærentes præterea vestigiis Prædecesso-  
 rum nostrorum, qui Privilegia, Indulta omnia, & sin-  
 gula, gratias, exemptiones, Immunitates, & Commu-  
 nicationem intraneam, sive ampliacionem, aut exten-  
 sionem intra ipsum Ordinem Prædicatorum adeò, ut  
 concessa, vel concedenda uni Fratri, Sorori, Domui,  
 Conventui, Collegio, Ecclesiæ, Monasterio, & aliis,  
 etiamsi concessa non intelligerentur sub generali com-  
 municatione, aliis Fratribus, Sororibus, Domibus, Con-  
 ventibus, Collegiis, Ecclesiis, Monasteriis, cæterisque  
 pariformiter comprehensa, & concessa perpetuò sint,  
 & intelligantur, Communicationem quoque infra de-  
 clarandam uberius cum aliis quibuscumque Ordinibus,  
 Congregationibus, & Confraternitatibus, libertates,  
 prærogativas, Indulgentias, peccatorum remissiones, &  
 similia quæcumque, & quocumque nomine nuncupan-  
 da, à Prædecessoribus Nostri Ordini prædicto, Do-  
 mibus, Collegiis, Conventibus, Monasteriis, Provinciis,  
 Fratribus, ac Monialibus, necnon utriusque sexûs Ter-  
 tianis, concessa, amplissimè, & validissimè confirmâ-  
 runt, innovârunt, de novo concesserunt, eisque per-  
 petuû Apostolicæ firmitatis robur addiderunt, etiam  
 Motu proprio, scientiâ, & potestate prædictis, dero-  
 gando insuper quibuscumque consuetudinibus, ac

Constitutionibus Apostolicis, etiam in Universalibus, Provincialibus, & Synodalibus Conciliis editis, & Ordinationibus contrariis, ac cum Decreto irritante, supplendo quosvis defectus Iuris, & Facti, & solemnitatū forsā omissarum, ut in Apostolicis Constitutionibus, & signanter Alexandri V., Martini etiā V., Eugenii IV. in Bullis incipien. -- *Sacra Religionis* - 5. Kal: Aprilis 1439. , ubi Privilegium dicto Ordini Prædicatorū indultum per plures Prædecessores post Innocentium IV. , quòd nullæ Literæ Apostolicæ sub quibusvis formis, & verborum expressionibus, & cum quibuslibet derogatoriis Privilegiorum, etiam Mendicantiū, quando- cumque emanandæ possent eidē Ordini præjudicare, nisi de Ordine ipso, ac de Magistro Ordinis, & Privilegiis ipsi concessis signanter, & notanter, specialiter, & expresse, necnon de verbo ad verbum mentio facta fuerit, validissimè confirmatur, quòd & alii postmodum Romani Pontifices decrevere; insuper Nicolai V., Sixti IV. -- *In Mari magno* -- ac in -- *Bulla aurea* -- Julii II. -- *Alia ad supplicationē* -- 1. Junii 1509. Leonis X. in duabus Literis similiter incipien. -- *Quū inter ceteros* -- 22. Novembris 1513. , & 21. Junii 1518. , & in aliis -- *Dudum per Nos accepto* -- 10. Decembris 1519. , Julii III. -- *In Sacra Beati Petri* -- 10. Julii 1551. , Pauli

Mentio expressa faci-  
enda de Or-  
dine.

IV. -- *Ex Apostolica Sedis* -- 9. Martii 1556. , ac deinde S. Pii V. , Clementis VIII. , & Urbani VIII. in prædictis Constitutionibus -- *Etsi Mendicantium* -- *Injuncti* -- *In plenitudinem* -- easque quidem omnes, & singulas Constitutiones, ac supplendo quoscumque defectus Juris, & Facti, & solemnitatum forsitan omissarum, confirmantes, ac innovantes, & quatenus opus sit omnia, & singula in eisdem, ac cæteris quibuscumque pro Ordine Prædicatorū, ejusque Generali Magistro, Procuratore Generali, Superioribus, Fratribus, Monialibus, Tertii quoque Ordinis Personis quibuscumque per Sedem prædictam, ac etiam per S. R. E. Cardinalium Congregationes, Cardinales Legatos, & quosvis Sedis prædictæ Nuntios, & Ministros, & per alios quoscumque, & quacumque potestate pollentes, aut aliàs quomodolibet, & sub quibuscumque verborum expressionibus, & tenoribus in genere, vel in specie, & particularitè tam per modū communicationis, & ampliacionis, quàm simplicis, & individuae, particularis, ac specialis concessionis cujuscumque, & quomodocumque etiā Motu proprio, aut aliter factæ, emanatis concessionibus contenta, ac etiā consuetudine legitimè præscripta, aut acquisita, largientes, ac concedentes, dummodo tamen prædictis in hâc nostrâ Constitutione non

sint



sint expresse contraria, Motu, scientiâ, ac potestate similibus confirmamus quoque, innovamus, ac si opus sit de novo concedimus Magistro Ordinis, Capitulis Generalibus, Definitoribus eorum, cunctisque Fratribus, sive Clericis, sive Laicis, etiâ Oblatis, Monialibus quibuscumque, ac Tertii Ordinis utriusque sexûs personis, eorumque Ecclesiis, Conventibus, Monasteriis, ac Domibus, ministris, famulis, cunctisque tam Conservatoribus, & Officialibus, quàm domesticis, necnon quibusvis aliis personis, ac Christi fidelibus, illorum Ecclesias, seu Capellas, Oratoria quoque visitantibus, necnon Confratribus, & Confororibus tam supradictarum, quàm aliarû quarumcumque Confraternitatû in Ecclesiis, aut Oratoriis eorundem Fratrum legitime erectarû, & institutarum, vel quandocumque erigendarum, ac instituendarum, illisque tam nunc existentibus, quàm pro tempore extituris: omnibus pariter, & singulis libertatibus, Immunitatibus, exemptionibus, privilegiis, præeminentiis, antelationibus, concessionibus, Indultis, favoribus, Indulgentiis, aliisque prærogativis, & gratiis universis, & singulis, tã spiritualibus, quàm temporalibus, singulis Domibus, Conventibus, Collegiis, Monasteriis, & aliis regularibus locis, & personis, tam Canonicorum, quàm Clericorum regulariû

ubivis existentium institutis, & non solum Ordinibus Monasticis, Regularibus aliorum Mendicantium, & non Mendicantium, tam pro redimendis Captivis, quam aliis quomodolibet, Ordini Sanctissimæ Trinitatis Redemptionis Captivorum, illiusque Domibus, Conventibus, & Fratribus, necnon Ordini, ac etiam Congregationi Fratrum Discalceatorum ejusdem Ordinis B. M. de Mercede Redemptionis Captivorum, ac etiam omnibus, & quibuscumque Congregationibus Regularium, & præcipue Clericorum Regularium, etiam Ministrantium Infirmis, Canonicorum Congregationis Sanctissimi Salvatoris Lateranen., S. Salvatoris de Bononia, ac etiam Sancti Ruffi Valentia, & S. Crucis Colimbria, Clericorum Regularium de Somasca, & Pauperum Matris Dei, & Scholarum Piarum, ipsisque Monasticis Congregationibus etiam Cassinensi, aliisque Monachis, etiam Monasterii S. Benedicti, S. Hieronymi, Carmelitis Discalceatis, Conventui B. Mariae de Guadalupe, necnon Societati JESU, ipsisque Cartusianorum, Præmonstratensium, & Reformatorum Cisterciensium, Servitarum, Olivetanorum Ordinibus, aliisque Familiis, & Societatibus Regularibus, Militiis, & Hospitalibus quibuscumque, & locis piis regularibus, ac quibuscumque Personis nunc, & pro tempore existentibus prædictorum,

& quorumlibet Ordinum, Societatum, Congregationū Regularium, ac etiam Monialium, & Tertii cujuscumque Ordinis personarum, ac Confraternitatū quarumcumque per Nos, & Sedem prædictam, prædictasque S. R. E. Cardinalium Congregationes, Cardinales Legatos, Nuntios, aliosque ejusdem Sedis Ministros, quavis auctoritate, aut ratione, Motu proprio, & ex certa scientiâ, & de Apostolicæ Potestatis plenitudine, etiam iteratis vicibus concessis hæctenus, vel confirmatis, aut approbatis, & quibus illi tam in vita, quam in mortis articulo, etiâ circa peccatorum remissiones, & injunctarum poenitentiarū relaxationes, aut alias quomodolibet de Jure, usu, aut privilegio, vel consuetudine quomodolibet utuntur, fruuntur, potiuntur, & gaudent, ac uti, frui, potiri, & gaudere possunt, & poterunt quomodolibet in futurū, quamvis illa sint speciali nota digna, difficilisque concessionis, & quæ in generali concessione non veniunt, & non obstantibus clausulis annullativis, cassativis, exceptivis, ac etiam communicationis prohibitivis, aliisque efficacioribus, & insolitis clausulis, non solū per participationem, communicationem, illorū extentionem, & illorum ad instar, sed speciatiim, nominatiim, pariformitèr, & æquè principaliter in omnibus, & per omnia, absque ulla

*Privilegia, etiam  
difficilis  
concessionis  
alteri cui-  
cumque  
quomodo-  
cumque In-  
dulta, pari-  
formitèr, &  
æquè prin-  
cipaliter  
concedun-  
tur.*

pror-



§. 78. Ac demum, ut Ordo ipse Fratrum Prædicatorum, illiusque Magister Generalis, Provinciales, Priores, aliique Superiores, Fratres, Fannuli, & Personæ quæcumque ab Ordine ipso, ut præfertur, quomodolibet dependentes, nunc & pro tempore existentes, omniū, & singulorū à Nobis, ut præfertur, approbatorum, confirmatorum, extensorum, innovatorum, & de novo etiam concessorum pacifica in possessione, seu quasi à data præsentium constituentur, constitutique sint, & esse conseantur, omnes, & quascumque lites, & causas, si quæ sint, quarū omnium, & singularum respectivè status, & merita eisdem præsentibus haberi volumus pro expressis super præmissis, seu illorum aliquo inter Fratres prædictos ex una, & quoscumque alios ex altera partibus, in quocumque iudicio coram quocumque Iudice quavis etiam Apostolicâ sibi delegata auctoritate fungente, & in quacumque instantia quomodolibet nunc pendentes, ad Nos avocantes Apostolicâ auctoritate, Motu, ac potestatis plenitudine prædictis penitus extinguimus, & extinctas esse volumus, omnimodumque silentium perpetuò imponimus.

XXXI.  
*Avocantur, & extinguuntur quæcumque de super lites.*

§. 79. Decernentes omnia, & singula præmissa à Nobis, ut præfertur, confirmata, approbata, innovata, extensa, de novo concessa, & indulta, easdemque præ-

XXXII.  
*Clausula præservativa.*

sentēs semper, & perpetuò, tanquam Divini Cultūs,  
 & bonorum operum augmentum, Religionisque pro-  
 pagationē respicientia, valida, & efficacia, ac validas,  
 & efficaces esse, & fore, suosque plenarios, & integros  
 effectus perpetuò sortiri, & obtinere, & ab omnibus  
 firmiter, atque inviolabiliter observari, nec ab illis ullo  
 unquā tempore quovis prætextu, occasione, vel causa  
 resiliri, aut recedi, neque de nullitatis, obreptionis,  
 subreptionis vitio, & intentionis nostræ defectu nota-  
 ri, impugnari, vel retractari, nec adversus illas quod-  
 cumque juris, vel facti remedium, nec etiā oris ape-  
 ritionem impetrari unquam posse, neque sub quibus-  
 vis similium, vel dissimilium gratiarum, privilegiorum,  
 indultorum revocationibus, limitationibus, suspensio-  
 nibus, derogationibus, & aliis contrariis dispositio-  
 nibus, etiam per Nos, & Successores nostros Romanos  
 Pontifices pro tempore existentes, Sedemque prædi-  
 ctam, sub quibusvis tenoribus, & formis, ac sub qui-  
 busvis clausulis, & decretis, etiam derogatoriis de-  
 rogatoriis minimè confundi, vel comprehendi posse,  
 nisi de toto earundem præsentium tenore, & data ex-  
 pressa mentio, nihil penitus omisso, habita, & revoca-  
 tio, derogatio, suspensio, limitatio, restrictio, & alia  
 quæcumque contraria dispositio Magistro, & Procura-  
 tore generalibus pro tempore dicti Ordinis expres-

sè, distinctim, ac nominatim intimatis, iisque per trinas distinctas literas Apostolicas tribus diversis vicibus cū temporis competentis intervallo ad id specialiter vocatis factæ fuerint, & si aliter derogari, revocari, suspendi, limitari, & restringi contingat, hujusmodi derogationem, revocationem, suspensionem, limitationem, & restrictionē, nullius esse roboris, & momenti, & quoties illæ emanabunt, toties in eorum pristinū, & validissimū statum sub quacumque etiam posteriori data per Magistrum Generalem, & Fratres pro tempore existentes prædictos eligenda restitutas, repositas, & plenariè reintegratas, & de novo etiam concessas esse, & fore, ac vim validi, & efficacis contractūs, etiam cum juramento inter Nos, & Sedem prædictam, ac Magistrū Generalem, & Fratres prædictos initi habere.

§. 80. Sicque, & non aliàs, per quoscumque Judices Ordinarios, vel Delegatos, etiam causarum Palatii Apostolici Auditores, ac etiam S. R. E. Cardinales, etiam de latere Legatos, Vicelegatos, dictæque Sedis Nuncios, sublata eis, & eorū cuilibet quavis aliter judicandi, interpretandi, & definiendi facultate, & auctoritate, in quavis causa, vel instantia judicari, sententiari, & definiri debere, necnon quidquid secus fu-

*Decretum irritans.*

gnoranter contigerit attentari, irritum, & inane decernimus, & declaramus.

XXXIII.

*Executio  
commissa fu-  
turis Ordi-  
nis Protec-  
toribus.*

§. 81. Quoniam verò quousque Divinæ Providentiæ placuerit Nos in humanis tolerare, nolumus planè protectionem Nobis Dilectissimi Ordinis alicui cedere, mandamus subinde futuris pro tempore Protectoribus S. Romanæ Ecclesiæ Cardinalibus, enixèque in Domino hortamur, ut pro plena nostræ hujus Constitutionis executione apud Pontifices totis viribus, zelanterque advigilent, atque procurent.

*Aliorum  
Executo-  
rum deputa-  
tio, & facultas.*

§. 82. Executionem verò contentorum in præsentibus Nostris Literis committimus, & mandamus universis, & singulis Venerabilibus Fratribus Apostolicæ hujus Sedis Legatis, Nuntiis, & Internuntiis pro tempore existentibus, necnon Patriarchis, Archiepiscopis, Episcopis, ac Dilectis Filiis Causarum Curiaæ Camerae Apostolicæ Generali Auditori, Abbatibus, Prioribus, & aliis quibuscumque Personis in dignitate Ecclesiastica constitutis, quatenus ipsi, vel duo, aut unus eorū per se, vel alium, seu alios easdem præsentem, & in eis contenta quæcumque ubi, & quando opus fuerit, ac quoties super hoc pro parte Magistri Generalis, & Fratrum nunc, & pro tempore existentium, aut alicujus eorū requisiti fuerint, solemniter publicantes, eis-  
que,



que, & eorum cuilibet in præmissis efficaci defensionis præsidio adstantes, faciant auctoritate nostra firmiter observari, eosque, & quemlibet eorum illis pacificè frui, & gaudere, non permittentes eos, aut eorum quempiã per quoscumque contra earumdẽ præsentium tenorem desuper quomodolibet indebitè molestari, Contradictores quoslibet, & rebelles per censuras, & pœnas Ecclesiasticas, ac alia opportuna juris remedia, appellatione postposita, compescendo, ac legitimis super his habendis servatis processibus, censuras, & pœnas ipsas etiam iteratis vicibus aggravando, invocato etiam ad hoc, si opus fuerit, auxilio brachii sæcularis.

§. 83. Non obstantibus priori voluntate nostra, ac nostris, & Cancellariæ Apostolicæ regulis de non tollendo jure quæsito, ac piæ memoriæ Bonifacii Papæ VIII. pariter Prædecessoris Nostri, quã cavetur, ne quis extra suam Civitatem, vel Diœcesim, nisi in certis exceptis casibus, & in illis ultra unam dietã à fine suæ Diœcesis ad judicium evocetur, seu ne Judices à Sede Apostolicã deputati contra quoscumque procedere, seu alii, vel aliis vices suas committere præsumant, ac in Concilio Generali edita de duabus dietis, dummodo ultra tres dietas aliquis auctoritate præsentium ad judiciũ non trahatur, & quibusvis universalibus, Provin-

XXXIV.  
*Clausula  
 derogato-  
 ria.*

cialibus, & Synodalibus Conciliis, vel aliis Apostolicis specialibus, vel generalibus Constitutionibus, & ordinationibus, necnon prædicti, aliorumque Ordinū Regularium quorumcumque etiam juramento, confirmatione Apostolicâ, vel quavis firmitate alia roboratis, Statutis, & Conventionibus, ac etiam immemorabilibus consuetudinibus, privilegiis quoque, Indultis, & literis Apostolicis, quibusvis personis, & locis in genere, vel in specie sub quibuscumque tenoribus, & formis, ac cum quibusvis etiam derogatoriarum derogatoriis, aliisque efficacioribus, & insolitis clausulis, necnon irritantibus, & aliis decretis, ac etiâ concistorialiter, ac aliâs quomodolibet etiam ad Imperatoris, Regum, Reginarum, & aliorū quorumcumque Principiū instantiam iteratis vicibus concessis, approbatis, & innovatis, quibus omnibus, & singulis, etiâ si pro illorū sufficienti derogatione, aliâs de illis, eorumque totis tenoribus, specialis, specifica individua, & expressa, ac de verbo ad verbū, non autē per clausulas generales idē importantes, mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata, inserti forent, præsentibus pro sufficienter expressis habentes, illis aliâs in suo robore permansuris, latissimè,

& plenissimè, ac specialiter, & expressè harū serie hâc vice dumtaxât Motu, scientiâ, & potestatis plenitudine paribus, derogamus; Aut si aliquibus communiter, aut divisim ab eadem sit Sede indultum, quòd interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de Indulto hujusmodi mentionem.

§. 84. Volumus autem, quòd ipsarum præsentium transumptis, etiam impressis, alicujus in Dignitate Ecclesiastica constitutæ personæ sigillo, & Notarii manu obsignatis, vel etiam, saltem extra Italiam, sigillo, & subscriptione Magistri Ordinis, aut Provincialium pro tempore ejusdem Ordinis munitis, eadem prorsus fides in judicio, & extra illud adhibeatur, quæ adhiberetur præsentibus si forent exhibitæ, vel ostensæ.

XXXV.  
*Quibus transumptis habenda fides.*

§. 85. Nulli ergo omnino hominum liceat hanc paginam nostræ absolutionis, approbationis, confirmationis, extensionis, innovationis, concessionis, extinctionis, impolitionis, Indulti, decreti, declarationis, commissionis, mandati, & derogationis infringere, vel ei ausu temerario contraire, si quis autem hoc attentare præsupserit, indignationē Omnipotentis Dei, ac Beatorū Petri, & Pauli Apostolorū ejus se noverit incurfurū.

*Sanctio penalis.*

Datum Setiæ Anno Incarnationis Dominicæ  
Millesimo septingentesimo vigesimo septimo, septi-  
mo Kalendas Junii Pontificatûs Nostri Anno Ter-  
tio.

**P. Cardinalis Prodatarius.**

<sup>x</sup>Resid:™ Gratis de Mandato Sanctissimi.

*I. Petraglia. N. Soderinus.*

*I. C. Pelucchius. A. Caraffa Cap:™*

*I. B. Caucius.*

*Phil: Masuccius Cap:™*

*F. de Felicibus Cap:™, & Secretarius.*

*F. Moral<sup>x</sup>us Resid:™ Gratis de Mand:º SSmiG. Zizzius.*

*Visa F. Sinibaldus.*

*I. S. Villia.*

**Loco+Plumbi.**

*Registrata in Camera Apostolicâ.*

**Pro D. Antonio Cajetano Frosio Cā: Apost: Secretario.**

**Antonius Petruccijs Consecretarius.**

**Frater THOMAS RIPOLL**

**Magister Ordinis Prædicatorum.**

(L. S.)

**INDEX**

# I N D E X

- §. 1. **P**roemium. - - - - - pag: I.  
 Motiva Constitutionis. - - - - - I.

## I.

### Societas Nominis JESU.

- §. 2. Indulgentia pro Societate Nominis IESU. - - - 3.  
 Vbi reperiuntur Ecclesie Ordinis, in ipsis solis hac Societas esse de-  
 bet. - - - 4.  
 Soli Magistro Ordinis, aut Vicario Generali asseritur facultas ejusce-  
 modi Societates fundandi. - - - 4.

## II.

### Societas Sanctissimi Sacramenti.

- §. 3. Indulgentia pro Confraternitate Sanctissimi Corporis Christi. - 4.

## III.

### Rosarium B. M. V.

- §. 4. Indulgentia pro Societate S.S. Rosarii. - - - 5.  
 Super quibus casibus, & votis, & quinam Confessarii Ordinis possunt  
 cum Rosarii Confratribus, & Confororibus absolvere, & commu-  
 tare? - - - 5.  
 Rudiores sola devota recitatione Rosarii Indulgentias predictas lucra-  
 ri possunt. - - - 7.  
 §. 5. Indulgentia Plenaria visitantibus Capellam Rosarii infra Octavam,  
 vel in ipsa Octava ejusdem. - - - 7.  
 Visitanda Capella, non Statua. - - - 7.  
 §. 6. Nova Rosaria interdiciuntur. - - - 8.  
 §. 7. Missa Privilegiata Rosarii. - - - 8.  
 §. 8. Solius Magistri Ordinis, aut Vicarii Generalis facultas privata,  
 instituendi Societates Rosarii, facta eidem Magistro certa facultate pro  
 Regionibus Occidentalibus, & Orientalibus subdelegandi alios in ordi-

- ne, ad ibidem illas, sicut & alias Societates instituendas. - 8.  
 §. 9. Pro fundandis Societatibus non requiritur distantia aliàs sanc-  
 ta. - - - - - 10.

IV.

Crucesignati, & Ministri S. Officii.

- §. 10. Indulgentiæ pro Societate Crucesignatorum, & Ministrorum S.  
 Officii. - - - - - 10.

V.

Societas Militiæ Angelicæ.

- §. 11. Indulgentiæ pro Societate Militiæ Angelicæ Cingulis Tho-  
 mæ. - - - - - 10.  
 Festum ejus præcipuum. - - - - - pag: 11.  
 Unitur eidem Societas Academia Studentium S. Thomæ. - 11.  
 Magistri Ordinis, & Vicarii Generalis facultas privativa, eam So-  
 cietatem ubique fundandi. - - - - - 12.

VI.

Ecclesiæ, Societates, & Habitus benedictus.

- §. 12. Indulgentiæ pro Ecclesiis Ordinis, Societatibus, & Habitu benedi-  
 cto ejusdem Ordinis. - - - - - 12.

VII.

Congregationes Secularium.

- §. 13. Regule pro Congregationibus Secularium, spectantium ad Societa-  
 tes erectas in Ecclesiis Ordinis. - - - - - 12.  
 Dispositio circa Bona earundem Societatum. - - - - - 13.  
 Motiva ejusdem Ordinationis. - - - - - 13.  
 Fratres in posterum nullam ejusmodi Congregationem introducere au-  
 deant. - - - - - 14.  
 Congregationum debita obedientia erga Fratres Ordinis. - 15.  
 §. 14. Privantur Refragantes gratiis spiritualibus Societatis eorum. 15.  
 Dissolvenda Congregationes refragantes, & modus dissolutionis pera-  
 genda. - - - - - 16.

§. 15. Regule pro Societatibus in locis, in quibus novos Conventus erigi contingat. . . . . 17.

VIII.

Processiones.

§. 16. Processio Corporis Christi Dominicâ infra Octavam Festi ejusdem. . . . . 18.

§. 17. Processio Rosarii primâ Dominicâ Octobris. . . . . 19.

§. 18. Eadem Processio in alios dies translata. . . . . 20.

§. 19. Processio Solemnis Nominis IESU. . . . . 20.

§. 20. Processiones Rosarii, & Nominis IESU extra Claustra. . . . . 20.

§. 21. Ex prædictis Processionibus nullum consequitur præjudicium Parochorum Iurisdictioni. . . . . 21.

§. 22. Processiones ad quas Fratres accedere tenentur. . . . . 22.

IX.

Altaria Privilegiata.

§. 23. Explicatio Indulti pro Altaribus Privilegiatis. . . . . 23.

X.

Translatio Indulgentiarum.

§. 24. Quando transferuntur Festa Ordinis, transferantur etiam Indulgentia. . . . . 24.

XI.

Facultas ad absolvendum.

§. 25. Facultas Superiorû Ordinis absolvendi eorum Subditos. pag: 24.

§. 26. Regula pro Confessariis Secularium. . . . . 26.

§. 27. Facultas Confessariorum Ordinis circa adscriptos, & non adscriptos Societatibus in Ecclesiis Ordinis erectis. . . . . 27.

§. 28. Confessarii Ordinis semel approbati ab Episcopo examinari iterum non debent, neque omnes à Confessionibus simul arceri possunt. . . . . 28.

XII.

Concionatores.

§. 29. Facultas, & Privilegia prædicandi. . . . . 28.

§. 30. *Libera promotio devotionis præcipuè Rosarii in Ecclesiis Ordinis  
sine Ordinarii licentia.* - - - - - 29.

§. 31. *Privilegia Missionariorum.* - - - - - 29.

XIII.

Famuli, Alique.

§. 32. *Privilegia Famulorum, & eorum, qui infirmantur, aut moriuntur  
in Conventibus Ordinis.* - - - - - 30.

XIV.

Benedictio Ecclesiarum &c.

§. 33. *Facultas Prælatorum Ordinis benedicendi vestes Ecclesiasticas, Ec-  
clesias &c.* - - - - - 30.

XV.

Ordinatio.

§. 34. *Fratres Ordinis ordinari possunt extra Tempora.* - - - 31.

XVI.

Jurisdictio in Moniales.

§. 35. *Jurisdictio spiritualis Superiorum, & Confessariorum Ordinis pro ex-  
cipiendis sibi subjectarum Monialium confessionibus.* - - - 32.

§. 36. *Facultas prædicandi subjectis sibi Monialibus.* - - - 35.

§. 37. *Administratio temporalis.* - - - - - 35.

§. 38. *Jurisdictio Superiorum Ordinis circa Clausuram.* - - - 35.

§. 39. *Moniales inobedientes liberè dimitti possunt.* - - - 35.

§. 40. *Moniales, & Fratres Novitii possunt in mortis articulo profite-  
ri.* - - - - - 36.

XVII.

Doctrina S. Thomæ.

§. 41. *Commendatio Doctrinæ S. Thomæ.* - - - - - 36.

*Contra ejusdem calumniatores defensio.* - - - - - 38.

XVIII.

Laurea in Theologia.

§. 42. *In præcipuis totius Ordinis studiis Secularibus S. Thomæ discipulis*  
Lau-



XIX.

Facultates Superiorum.

- §. 43. Magistri Ordinis facultas conferendi Gradus suis Fratribus. 42.  
 §. 44. Ejusdem, & Provincialium potestas creandi certos Notarios. 42.  
 §. 45. Ejusdem, aliorumque Superiorum, Provinciarum quoque, & Monasteriorum Indulta confirmantur. - - - 42.

XX.

Tertius Ordo.

- §. 46. Tertii Ordinis S. Dominici Privilegia innovantur. - 43.  
 §. 47. Verus Ordo declaratur, & ejus Regula confirmatur. - 45.  
 §. 48. Auctoritas Magistri Ordinis super Tertiarios utriusque sexus. 45.  
 Temporalium bonorum administratio, etiam pro Monialibus. - 47.  
 §. 49. Tertiariorum obedientia Magistro Ordinis. - - - 48.  
 §. 50. Magistri Ordinis cura pro Tertiariis. - - - 49.  
 §. 51. Motiva declarationum. - - - - - 50.  
 §. 52. Exemptio à jurisdictione Ordinarii. - - - - - 50.  
 §. 53. Aetas recipiendarum ad Habitum, & Professionem. - 51.  
 §. 54. Habitus earundem. - - - - - 52a  
 §. 55. Collegialiter viventes non tenentur ad Clausuram, neque ad tri-  
 vota. - - - - - 5e-  
 §. 56. Persona Tertiaria Sacramenta suscipere, earumque Cadavera sa-  
 peliri per solos Fratres Ordinis debent. - - - - - 5  
 Regula pro Fratribus, & Tertiariis extra Clausura, & Domos dece-  
 dentibus. - - - - - 55.  
 §. 57. Fratres ad personas Tertiarias etiam Eucharistiam, & earum Ca-  
 davera ad Ecclesiam Ordinis deferre licite debent. - 56.

XXI.

Regimen Ordinis.

- §. 58. Adversus Fratres recurrentes ad extraneos. - - - 56.  
 §. 59. Solae leges Ordinis servandae in correctionibus. - - - 57.

- §. 60. *Appellationes inordinatæ prohibentur.* - - - 57.  
 §. 61. *Ministri S. Sedis irregulares ad se recursus, & appellationes Fratrum rejicere debent.* - - - 58.

XXII.

Habitus Ordinis.

- §. 62. *Habitus Ordinis quibus, & quomodo permissus?* - - - 59.  
 §. 63. *Habitus albus permittitur extra Claustra Fratribus Prædicatoribus juxta eorum Constitutiones.* - - - 60.

XXIII.

Præcedentia.

- §. 64. *Præcedentia immediata post Ordines Monachales.* - pag: 61.

XXIV.

Exemptio ab oneribus.

- §. 65. *Exemptio à quibusvis oneribus, cum assignatione Congruæ in impositis pro urgentissima causa.* - - - 62.

XXV.

Taxa Seminarii.

- §. 66. *Exemptio à Taxa Seminarii.* - - - 63.

XXVI.

Quarta funeralis.

- §. 67. *Declaratio circa Quartam funeralem pro Italia.* - - - 64.

XXVII.

Sepultura.

- §. 68. *Privilegia circa Sepulturam extraneorum.* - - - 66.  
*Dispositio pro cadaveribus Fratrum, aliorumque, de quibus seorsim supra.* - - - 67.  
 §. 69. *Libera extraneis electio Sepulture apud Fratres: Et quomodo de ea constet?* - - - 67.  
 §. 70. *Mandatur, ne Parochi etiam indirectè eam libertatem impediant.* - - - 68.  
 §. 71. *Soli Parocho præmortui solvenda emolumenta.* - - - 68.

§. 72.

- §. 72. Parocho intimato, nec accedente, Fratres debent Cadaver per viam sibi benevisam recta deferre. - - - - - 69.
- §. 73. Regula pro Crucis erectione, delatione Stole, & ingressu in Ecclesias in Processionibus funebribus. - - - - - 69.
- §. 74. Quæ sint prohibita, & quomodo permessa Parocho celebratio exequiarum in Ecclesiis Ordinis? - - - - - 70.

XXVIII.

Decimæ Canonice.

- §. 75. Exemptio à Decimis Canonice. - - - - - 71.

XXIX.

Indulta à S. Pio V.

- §. 76. Confirmantur ampliores concessiones S. Pii V., & reducuntur ad terminos Concilii Tridentini (juxta ejusdem interpretationem) & hujus Constitutionis. - - - - - 73.

XXX.

Cætera quævis Privilegia.

- §. 77. Confirmatio Generalis aliorum Privilegiorum. - pag: 74.
- Extensio Privilegiorum intra Ordinem. - - - - - 74.
- Communicatio in Privilegiis cum aliis. - - - - - 74.
- Mentio expressa facienda de Ordine. - - - - - 75.
- Privilegia etiam difficilis Concessionis alteri cuicumque, quomodo-cumque indulta, pariformiter, & æque principaliter conceduntur. - - - - - 79.

XXXI.

Lites extinctæ.

- §. 78. Advocantur, & extinguuntur quæcumque desuper lites. - 81.

XXXII.

Præservatio.

- §. 79. Clausula præservativa. - - - - - 81.

§. 80.

§. 80. *Decretum irritans.* - - - - - 83.

XXXIII.

Executio.

§. 81. *Executio commissa futuris Ordinis Protectoribus.* - - - 84.

§. 82. *Aliorum Executorum deputatio, & facultas.* - - - 84.

XXXIV.

Derogatio.


§. 83. *Clausula derogatoria.* - - - - - 85.

XXXV.

Transumpta.

§. 84. *Quibus Transumptis habenda fides.* - - - - - 87.

§. 85. *Sanctio pœnalis.* - - - - - 87.



~~250~~

240

14.8.71

080487

Biblioteka Jagiellońska



stdr0026149

